

Biblioteka  
Ojców Kamedulów  
w Bieniszewie






LIBER  
DE BONO VSV  
CVRIÆ,

Compendio scriptus  
PER R. P. F. IOANNEM  
à IESV MARIA,

*Carmelitam Discalceatum,  
Calaguritanum,*

Cōgregationis sancti Eliæ, Præ-  
positum Generalem.

*Superiorum permissu.*



R O M Æ

Primum apud Iacobum Mascardum,  
M. DC. XII.

Deinde CRACOVIZ, apud Andræam  
Petricouium, S. R. M. Typograph.  
Anno 1614. recusatus.

*Ap. Erhardo Camato in Insula Vigrensi*



Biên. A. IX. 25


*Imprimatur, si videbitur Reueren-*  
*diss: P. M. Sac. Pal. Apost.*

*Cæsar Fidelis Vicesg.*

Ego Balthasar Ansidæus de manda-  
to Reuerendissimi P. Magistri Sa-  
cri Palatij Fr. Ludouici Ystella,  
legi librum De bono vsu curiæ,  
compendio scriptum, à R. P. Fr.  
Ioanne à Iesu Maria Carmelita  
Discalceato, & nihil in eo inueni,  
quod aut bonis moribus, aut Fidei  
Catholicæ aduersetur. Die 10. Iu-  
nij 1612. Romæ.

*Balthasar Ansidæus.*

*Impri-*



*Imprimatur,*

F. Damianus à Fonseca Mag.  
& Socius Reuerendissimi P.  
Fratr<sup>is</sup> Ludouici Ystella Sa-  
cri, & Apostoli Palatij Magi-  
stri Ordinis Prædicatorum.



MO MO  
ILLVST AC REV D.D.  
IO. GARSIAE  
CARDINALI  
MILINO.

*F. Ioannes à Iesu Maria S.*

**M**VLTIIS certè  
nominibus  
tibi nuncu-  
pari debuit,  
Card. Illustrissime, libel-  
lus hic de bono vsu curiæ  
à me non tam ex aliorum  
sententijs, quàm ex pro-  
pria meditatione conscri-

ptus. Primum quidem,  
quod ego calamo perse-  
quutus fui, tu præclarissi-  
mis meritis exhibes, dum  
nec purpura, nec popula-  
ri aura, neque prece, neq;  
pretio à recto ecclesiasti-  
ci principis statu, bonoq;  
curiæ te admirantis usu  
flexus, inter secundos e-  
uentus modestissimè of-  
ficiū exples: vt qui te  
intuetur, nauem me-  
dio in pelago validis ven-  
torum, flatibus impul-  
sam, illisq; fluctibus ver-  
bera-

beratam, sed iactis anchoris immotam cernat. Mox officio coronidem appositurus pietatem, ut mihi sat exploratum est, apprimè colis, dum per grauissimas functiones, quas obis, id inprimis eniteris, ut Dei gloria amplificetur, Ecclesiæ bonū augeatur, animiq; tui salus tuta consistat. Denique fausto quodam prælagio Congregationis nostræ protectionem auspicatus es, multipliciq; be-

neficio nos passim deuincis, nihil non moliturus, vt disciplina nostra radices altas defigat. Capita tria, tanquam perennes laudum fontes leuiter delibauī, quibus euinco, debuisse me, scripto huic, & publicis rationibus, & priuata gratitudinis causa nomen tuum præfigere: quod spero equidem, scriptoris nebulas luculentissimo suo splendore dispellet. Munus ergo meū Cardinalis Illustrissime



sime humaniter accipe,  
ad rem paruam ex gran-  
di voto perpende: legeq;  
per horas succisuias, vt  
que breuiter comprehen-  
sa hinc excipis, in Reip.  
bonum, qua soles pietate,  
ac prudentia deriues, &  
alios ad imitationem au-  
ctoritate tua planè maxi-  
ma, exemploque efficaci  
permoueas. Clementissi-  
mus Deus, ad Ecclesiæ  
bonum te, Cardinalis Il-  
lustrissime, diu seruet in-  
columem.

## LECTORI.

**D**IGESSI, Lector candi-  
de, quæ ad bonum curiæ  
vsum pertinere censui,  
quàm breuiter, ac perspicuè potui:  
vt exiguo labore possis castam hau-  
rire doctrinam, quæ ad expungenda  
vitia, parandasq; virtutes Christia-  
næ curiæ consentaneas conferat.  
Scriptum in partes discreui tres. Pri-  
ma modos varios boni vsus curiæ,  
secunda aliquot ad pietatem colen-  
dam selecta consilia, tertia internos  
virtutum actus complectitur. Ne  
pigeat, vel pauca hæc lectitare, atq;  
recolere: quæ absq; tædio vlllo, non  
legi modò, sed memoriæ quoq; im-  
primi possunt, vt afflante Deo, ad  
praxim deriuentur. Precor, quàm  
impensè possum, diuinam maiesta-  
tem, tibi prosit labor hic modicus,  
quem S. R. E. censuræ subijcio.

INDEX

# INDEX.

## PARS PRIMA.

De modis boni vsus Curiae.

<b>B</b> onus Curia vsus quis sit.	
cap. 1.	pag. 1.
Quàm sit è Repub. bonus Curia v-	
sus. cap. 2.	3.
Quàm sit rarum Curia bene uti.	
cap. 3.	5.
Curia piè vtendum. cap. 4.	7.
Curia parcè vtendum. cap. 5.	10.
Curia prudenter vtendum. cap. 6.	
pag.	12.
Curia patienter vtendum. cap. 7.	
pag.	15.
Curia comiter vtendum. cap. 8.	
pag.	16.
Curia leniter vtendum. cap. 9.	18.
Curia modestè vtendum. cap. 10.	
pag.	21.

Curia

Curia non superbe vel ambiciosè v-	
tendum. cap. 11.	23.
Curia castè vtendum.	cap. 12.
pag.	26.
Curia frugaliter vtendum.	cap. 13.
pag.	27.
Curia non inuidè vtendum	cap. 14.
pag.	29.
Curia sine detractiōe vtendum.	
cap. 15.	31.
Curia non captiosè vtendum.	
cap. 16.	34.
Curia non auarè vtendum.	cap. 17.
pag.	35.
Curia non otiosè vtendum.	cap. 18.
pag.	37.
Curia fideliter vtendum.	cap. 19.
pag.	39.
Curia sine adulatione vtendum.	
cap. 20.	41.
Curia sine susurro vtendum.	cap. 21.
pag.	43.
Curia sine affectatione gratia	
	uten-



<i>utendum. cap. 22.</i>	45.
<i>Curia sine factionibus utendum.</i>	
<i>cap. 23.</i>	47.
<i>Curia non curiosè utendum.</i>	
<i>cap. 24.</i>	50.
<i>Curia non profanè utendum cap. 25.</i>	
<i>pag.</i>	53.
<i>Curia non superstitiosè utendum.</i>	
<i>cap. 26.</i>	55.
<i>Curia non scurriliter utendum.</i>	
<i>cap. 27.</i>	57.
<i>Curia non verbose utendum.</i>	
<i>cap. 28.</i>	59.
<i>Curia veraciter utendum. cap. 29.</i>	
<i>pag.</i>	61.
<i>Curia sine nouis inuentis utendum.</i>	
<i>cap. 30.</i>	63.
<i>Curia non diu utendum. cap. 31.</i>	
<i>pag.</i>	64.



## PARS SECVNDA.

De Consilijs ad vitam piè  
instituendam.

<b>C</b> onsilium I. De proponendo pietatis scopo.	67.
Consilium II. De Sacramentorum usu.	70.
Consilium III. De orationis stu- dio.	72.
Consilium IV. De praesentia Dei.	74.
Consilium V. De Virtutum acti- bus internis.	77.
Consilium VI. De Virtutum acti- bus externis.	80.
Consilium VII. De mortificatio- ne.	83.
Consilium VIII. De pia lectio- ne.	86.
Consilium IX. De Eleemosyna. pag.	88.

Consi-

*Consilium X. De spirituali magistro.* 90.

*Consilium XI. De spiritualibus exercitiis.* 93.

*Prefatio in tertiam partem.* 94.

## PARS TERTIA.

### De Virtutum actibus internis.

**A**ctus Fidei. cap. 1. 96.

Actus Spei. cap. 2. 97.

Actus Amoris Dei. cap. 3. 99.

Actus Amoris proximi. cap. 4. 101.

pag.

Actus Contritionis. cap. 5. 102.

Actus Humilitatis. cap. 6. 103.

Actus Mansuetudinis. cap. 7. 105.

pag.

Actus Abstinencia. cap. 8. 106.

Actus Castitatis. cap. 9. 107.

Actus Patientie. cap. 10. 109.

Actus Gratitude. cap. 11. 110.

Actus

*Actus Magnanimitatis. cap. 12.*


*pag. 112.*

*Actus Perseuerantiae. cap. 13.*

*pag. 114.*

*Meditatio de Agone mortis. cap. 14.*

*pag. 116.*



PARS



PARS PRIMA  
DE MODIS  
BONI VSVS  
CVRIÆ.

*Bonus Curia vsus quis sit.*

CAPVT I.

**B**ONVS Curia  
vsus is est, qui le-  
gitimus, scilicet,  
qui legi harmo-  
nicè consentit.  
Lex autem cùm  
sit multiplex, diuina primùm,  
mox humana spectanda, vt au-  
licus ad ius lege vtraq; præscri-  
ptum, tanquam ad rectam line-  
am actus exigat suos, valideq;  
propulset quicquid lege inter-  
dictum est. Quod sanè præsta-  
bit,

bit, si affectum repurget, verba  
trutinat, actus circumspicere ob-  
eat, appositè ad curiam, vel au-  
lam in qua versari constituit.  
Res non oscitater accipienda,  
cum per se honesta sit, pariatq;  
bona quamplurima quæ mor-  
tales suauiter afficiunt, ac seruet  
tutam inter discrimina consci-  
entiam, quod hominem Chri-  
stianum, idoneumq; æternæ sa-  
lutis æstimatorem præsertim,  
vrgebit. Profectò nemo sat-  
mentis compos aliquod vitæ  
institutum, nisi præmeditatus  
aggreditur: & quidnam sit,  
quid honesti, vel commodi re-  
ferre possit, accuratè perdiscit.  
Quocirca mirum est, plerosque  
curiæ sectatores, neq; nosse in-  
stituti sui rationem, neque quid  
inde boni proueniat, velle di-  
spicere. Erant fortasse permul-  
ti, qui

ti, qui curiæ sinus, angulos, flexus, ac reflexus explorent, sibi-  
que videantur omnia percal-  
le, ac derideant alios, quibus  
curia Cretensis labyrinthus est,  
quem sic descripsit ille:

*Vt quõdam Creta fertur labyrinthus in alta,  
Parietibus textum cæcis, iter, ancipitemq;  
Mille viis habuisse dolum, qua signa sequendi  
Falleret indeprehensus, & irremeabilis  
error.*

Hæc aliis incognita sibi iam,  
perspecta non pauci iactabunt,  
cùm ramen Christianum curiæ  
vsum vix norint, quem penitus  
nosse debuissent.

*Quàm sit è Repub: bonus curiæ  
usus, CAP: II.*

**C**Vria pars regni lectissima,  
& flos nobilitatis, literatu-  
ræ, ac industriæ pulcherrimus  
est. Quocirca bonus curiæ vsum

inter. potissima Reipub: bona  
recensendus, quippe qui ad præ-  
cipuam Reip: partem expoli-  
endam, perficiendamq; perti-  
neat. Sanè qui perspicacitate,  
ingenij, generis claritate, opi-  
bus, ac potentia excellunt, ad  
curiam æquè ac mercatores ad  
nundinas, mira celebritate cō-  
currunt: qui si ad legis normā,  
conatus suos metiri assuescant,  
salus publica multis quasi pro-  
pugnaculis astringitur, secus mul-  
tis agminibus hostium infesta-  
tur. Nimirum quò subtilius in-  
genium, opulentia, potentiaq;  
amplior, eò, si exorbitet, Reip:  
oppugnatio acrior, & ruina fu-  
nestior est. Non abs re pius con-  
templator hoc loco vim, la-  
crymarum effundat, cum pa-  
teat esse non paucos, qui Reip:  
munimenta esse possent, & ta-  
men



men abusu curiæ nihil grande moliuntur, sed salutis publicæ quasi arcem euertunt, obijciuntque pijs oculis ferale spectaculum, quale olim in excidio Hierosolymæ: *Quando luxit antemurale, & murus pariter dissipatus est.*

*Quàm sit rarum curia benè uti.*

**CAPUT III.**

**C**uria meliores solet recipere, quàm efficere: accedit enim iuuentus ingenua, natalibus in vrbibus pie, ac liberaliter instituta, pauloq; post delibatis vitiorum irritamentis illecta, malitiæ plurimum haurit, neq; spicula exitialia palatino melle delibuta perhorrescit. Pietas languet, prior disciplina dediscitur, & praxis quædam argutijs, captionibusque

ad aucupandos honores, & cōgerendas opes intenta succedit. Congruit altiore quodam sensu poëticum illud :

*Pro molli viola, & pro purpureo narcisso,  
Carduus, & spinis surgit paliurus acutis.*

Contagium est, quod licenter serpit, vt rarò è plurimis paucos inuenias, quos curia minimè corruerit. Etenim quicquid de vitijs alijs in callos durescentibus asseratur, qui inter aulicos pietatem colere videntur, passim conqueruntur, se velut in captiuitatem abductos nimis dura seruitute torqueri, vix vno vel altero, sat intercalato suspirio in cælum cor attollere, totos se Oceani cuiusdam, procellis obrui, passionum indomitarum motibus concuti, præcipites ad mundi oblectamenta ferri. Nolo autem

tem alios huius veritatis asser-  
tores accire, quando ipsi spon-  
te testes accedunt. Ergo iaculis  
in. curia conferrim ingruenti-  
bus, quemadmodum in prælio,  
plumbeo nimbo è fistulis ex-  
ploso non lædi, per quam ra-  
rum est: optandumq; vt curia  
tales dimittat, quales admisit,  
tamen si non omnibus integri-  
tatis numeris absolutos. Quòd  
si quis melior euaserit, porrò  
virorum illustrium, catalogo  
adscribendus est.

*Curia piè vtendum. CAP: IV.*

**N**OCT graviter pietatis obli-  
vio, veliquidò perspicitur,  
si aulicos duos, vnum è floren-  
tissima aliqua Christiana curia,  
alterum à media Sinacum re-  
gia petas, & vtriusque, studia,  
conatus, ætus ad bilancem ex-

pendas. Profectò si Christianos  
aulicos plurimos roges, quor-  
sum curiam petant, vel frequen-  
tent, verosimile videtur, te in-  
terrogationibus iteratis nihil  
aliud expressurum, quàm quod  
Sina ethnicus responderet; se  
videlicet curiæ assuescere, vt à  
principibus opes, honoresque  
recipiant, neque se ad labores,  
quos suscipiunt, vllò cælestis  
regni stimulo excitari, si vera  
fateri debeant. Cui sanè verita-  
ti fides facilè habebitur, si con-  
templemur, quàm ipsi lentè af-  
ficiantur, vbi absq; mercede, so-  
lo pietatis intuitu negotia ge-  
renda succurrunt. Si ergo Chri-  
stianus aulicus sola temporalia  
bona in curia molitur, quo ex  
capite ab ethnico differt? Adeò  
ne deformis sit, qui Christum  
nouit, vt ab ethnico, quod ad  
mores

mores attinet, ægrè possit discerni? Minimè mirandum, si teterrimis vitijs foedetur., qui parùm piè vitam instituit. Etenim meditatio hæc, si aulicus prudenter agat, id saltem efficiet, vt se introspiciat ipsum, aperteque dignoscat, se Christo iudici neglectæ pietatis excusationem nō posse prætexere, dum conscientia teste, ethnico alicui iurisconsulto verborum venditori, fluxarum diuitiarum, & honorum exquisitori non antefertur. Opto autem, ne sui cognitio ieiuna sit, sed affectum excitet, vt omnino statuatur, velle se, quicquid agat, in. Dei gloriam referre, officiumq; quo fungitur ita demum explere, vt opes, & honores, quibus ad vitam ducendam indiget, Christiano sensu ad

animæ salutem dirigat, serioq;  
decernat, nihil prorsus admit-  
tere, quantumvis honorificum,  
& splendidum, quod cum di-  
uina lege non aptè cohæreat.  
Cōsiliū hoc, in dies singulos  
summo mane recolendum.

*Curia parcè utēdum. CAP: V.*

**A** Postoli sensui congruunt,  
i. Cor: 7. *qui utuntur hoc mun-*  
*do, tanquam non utantur:* quod  
quàm sit rationi cōsentaneum,  
efficacissima ratio ab ipso Apo-  
stolo subiecta peruincit his ver-  
bis: i. Cor: 7. *Præterit enim figu-*  
*ra huius mundi.*

Porro amentię argumentum  
est, vmbraꝝ fugacissimam in-  
sequi, nedum velle apprehen-  
dere. Insanum est, rotæ, quæ  
semper vertitur, insidere velle.  
Quid ergo opinandum de ijs,

qui



qui adeò se curiæ pelago immergunt, ac si essent perenniter victuri, omniq; bono in re omnium incōstantissima tranquillè fruituri? Profecto error hic homine Christiano indignus videtur: quomodo enim ad curiam cælestem festinet, qui mentem humi defigit, & incredibili sollicitudine caduca bona venatur? Quòd si cælestia bona, quæ non cernuntur, segniter moueant, cur aulicus non consideret, neq; pij, neque cordati viri esse, rei multis & maioris calibus obnoxia studio auidè seipsum addicere, & perseueranter insistere? Non. fidentum cœptis apparèter faustis: 2. Reg: 18. Absalonem. quippe ad tubæ clangorem ab vniuerso Israële stipatum, ira Dei capillorum laqueo è quer-

cu iuspendit, lataque principia  
 penè contiguum, funus excep-  
 pit. *Esth: 7.* Quid non latum  
 ab Assuero potentissimo Persa-  
 rum rege Aman sperasset? &  
 tamen è toro regij conuiuij, vbi  
 fuerat honorificentissimè acce-  
 ptus, ad patibulum, probrosè  
 pertrahitur. Sanè permultos  
 Absaloni, & Amano similes  
 curia, intemperanter vtentes,  
 scopulis illisos, ætas quoq; no-  
 stra palàm ostentat. Curia vo-  
 luptas non absimilis est gene-  
 rosò vino, quod, si sobriè hau-  
 riatur, prodest, si immoderatè,  
 & corpori nocet, & menti, cu-  
 ius iudicium intercipit. Parcè  
 ergo curia vtendum est.

*Curia prudenter vtendum.*

*CAP: VI.*

**C**Vria prudenter. vti dicen-  
 dus, qui

us, qui appositè ad finem utitur, iuxta dotes animi, quibus pollet: prudentia quippe in eo potissimum versatur, ut apta fini media præscribat. Aulicus ergo ijs duntaxat manum admoueat, quibus explendis, pro ingenio, scientia, & industria, idoneus est: neque audacter ea tentet, quæ nequit absoluere. In ijs autem, quæ pro captu suo idoneè præstare potest, ne metam excedat: sed obseruet quousque pertingendum sit, ut tantundem studij, operæque collocet, quantum ad metam attingendam sat esse censuerit. Est à secretis, est causarum auditor, est iudex, satagitque ijs officijs honestè perfungi, ut ad vitam decenter agendam, redditus annuos demum acquirat. Ne sinat ergo

se auri splendore capi, ut absq;  
modo locupletari pertendat:  
quid enim stultius, quam pro-  
currere, ubi ad locum, quieti  
destinatum velox cursor acces-  
sit? Et, quidem prudentiam,  
hanc lux naturalis commen-  
dat: ceterum altior est Christi-  
ana prudentia in primis reti-  
nenda, quæ aperte docet, nisi  
addatur cupiditati modus, vi-  
am cælesti regno intercludi:  
quomodò enim per viam subli-  
mem, arctam, confragosam,  
vir oneratus immoderatis pon-  
deribus ascendet? Graui onera  
detrectanda, vel excutienda  
sunt ab aulico, qui salutis æter-  
næ viam carpere cōstituit, quæ  
iustorum prudentia est.

*Curia patienter utendum.*

*CAPVT VII.*

*Nullus*

**N**Vllus omnino ager vrticarum, & tribulorum, ac curia moeroris, & grauium affectionum ferax est. Repullæ, spes crebrò frustrata, ceterorum promotio cum dedecore proprio, negotiorum dilatio, vel infesta expeditio, successusque varij votis aduersi quasi totidem horrentia spineta videntur, quibus animi punguntur, ac lacerantur. Quid verò subtexam de curis innumeris, quæ cor lancinant, atque peruehlunt? Quoties noctes ducuntur insomnes, dum cor sollicitudine nimia palpitat, atque subsultat? Porro anxietas hæc adeò solet ingrauescere, vt viros quoq; illustres exanimet, quòd principum fortasse audientia, non ita grata contigerit. Cùm ergò curia tot vepres, sentesue  
*refundat.*

refundat, neque animus possit læsionis sensu carere, appositum consilium erit, ut se patientiæ clypeo contegat, quo immissos aculeos excipiat, vel etiam retundat. Cōsideret nullum esse, vitæ, vel togatæ, vel armatæ institutum, quod aduersis casibus non infestetur; exemplarq; nostrum Christum intueatur, in quem Hierosolymorum curia tanquam phrenitide correpta insaniuit; enitaturque inculpatè pati.

--- *Hic murus abeneus esto.*

*Curia comiter vtendum.*

*CAP: VIII.*

**P**Rodest maximè ad omne genus hominum sibi conciliandum comitas, quæ in agendo suauitas quædam est, qua aulicus omnium suffragi-

is, &



is, & sibi, & alijs vtile, ac delectabile bonum acquirit, vt ei congruat celebratum illud:

*Omne tulit punctum, qui miscuit vtile  
dulci.*

Si enim commendatur, qui alijs vtilitatem, & voluptatem affert, cur non, qui & alijs, & sibi? At comitas non confert modò ad excitandum, sed ad conseruandum quoque aliorum erga nos affectum, quæ certè secunda non minor, quàm prima laus est, iuxta illud:

*Non minor est virtus, quàm querere, par-  
ta tueri:*

*Casus inest illic, hic erit artis opus.*

Etenim doctrina hæc ciuilis admodum est, quæ & candidatis ethnicis, honorum & opum, postulatorib<sup>9</sup> placuit: ceterum aulicus Christianus ita eam debet moderari, vt affectationem

ethnicis

ethnicis vilitatam excludat. Quocirca cauendum, ne in muliebres modos degeneret, sed absque asperitate, ac duritia, virili sinceritate temperetur: quam ad libram gestus, & verba perpendenda. Grauitas, quæ comitari permista in principibus laudi vertitur, in aulicis parcè laudatur: modicè tamen adhibita non videtur carpi debere.

*Curia leniter utendum.*

*CAP: IX.*

**L**enis vsus idem ac mitis est, qui in eo potissimùm versatur, vt iram comprimat, externeque nulla perturbati animi signa, sed tranquillum vultum exhibeat. Qui profectò adeò est ad animos permulcendos efficax, & ad negotia gerenda opportunus, vt quātumuis prolixo sermone satis ex-

primi

primi nequeat. Habet sanè vir-  
mitis vim quādam animorum  
victtricem, cui duriora saxa s-  
corda concedunt: creberrima  
quippe, experimenta conuin-  
cunt, mansuetudine ferociam  
ipsam leniri, vt quod intume-  
scēte mari, & ad mollem lit-  
toris arenam sese remittente,  
cum voluptate cernimus, hoc  
in homine, qui excanduit, in  
alium mitem incurrente mire-  
mur, vbi hominis ingenium  
ira posita quiescit. Nimirum,  
vt morum asperitas hominis  
ingenio displicet, ita lenitas  
placet, atq; dulcescit. Hinc cre-  
do equidem, negotiorum ge-  
stores, dum virum mitem con-  
ueniunt, ei hærere, ab eo nun-  
quam recedere peroptant, cum  
è contrario iracundum homi-  
nem exhorreant, atque refugi-  
ant.

ant. Naturæ nempe ductu res asperas, aculeatasque attingere formidamus; molles, tenerasque non absque voluptate conrectare consueuimus. Verum aliquid natura sublimius pius aulicus debet eniti, qui Christum veneratur. Sanè Christus, quod Augustinus obseruauit, in Psal: 54. *Domuit orbem non ferro, sed ligno.* quasi luculentius diceret, à Christo prædura mortalium pectora domituro electum fuisse modum quendam agendi non ferro armatum, sed mansuetudine mollicum, atque ita demum regnasse, quod iuxta lxx. interpretum versionem diuinus Psaltes cecinit in hæc verba:

*Regnavit à ligno Deus.*

Si ergo animorum conditor animis imperaturus expedire censuit,

cessit, ut non ferro caderet, sed cæsus, & ligno affixus mitteret; certò sibi aulicus persuadeat, se aliorum animos, quò velit, flexurum, dulcissimoque imperio alijs dominaturum, si exemplo Christi mitis esse consueverit.

*Curia modestè utendum.*

CAP: X.

**A**Vlicis peropportuna est cultura modestiæ, dum inter æquales agunt, sed dum principes cōveniunt, est apprimè necessaria; ijs verò potissimum, qui familiariter admittuntur, qui principum humanitate abuti solent, donec à tædio affectis repelluntur. Quocirca bonus aulicus, ne tunc quidem modestiæ obliuisci debet, cum singularia amoris signa deprehendit.

hendit : quin etiam tunc minus  
 decet audere : tantum abest, ut  
 decorum sit importunis, aut  
 immoderatis petitionibus fa-  
 cis liberales principum animos  
 premere, quod à nonnullis ten-  
 tari solet, ubi latos principes  
 intuentur. Ceterum grauitel-  
 errant : Licentia quippe, non  
 audacia tantum, plerosque de-  
 iecit. Accedit huc iniqua rerum  
 aestimatio, dum importunus  
 postulator fidentiùs, quàm par-  
 sit, res parum decoras, vel in-  
 teruentu gratia valentium ex-  
 torquere contendit : ut Adoni-  
 as, qui Bethsabeam Salomonis  
 matrem precatus est, Abisag  
 Sunamitidem nuptui sibi tra-  
 di, à Rege Salomone peteret :  
 cui Salomon : 3. Reg : 2.

*Quare postulas Abisag Sunamiti-  
 dem Adonia ?*

*Postula*



*Postula ei & regnum. Et paulo post:*

*Vixit Dominus, quia hodie occidetur Adonias.*

Hic exitus intemperantis aulici est. Oportet ergo affectui imperare, & tam in postulatis, quàm in sermone, & vultu, ceterisque omnibus, coram principibus modestissimè versari.

*Curia non superbè, vel ambitiosè utendum. CAP: XI.*

**S**uperbia vitium curiæ familiarè est, vbi quisque in altiora conscendere, mèrita sua cum aliorum mèritis conferre, ac fortassè anteferre contendit. Quapropter animi demissio, quasi præsentaneum tanti mali remedium exquirenda est, vt neque actu, neque verbo quis alijs videri certet, quod re vera

non

non est, non doctior, non prudentior, non sanctior. Tantum quippe abest, ut ijs artibus claritas nominis paretur, ut ea potius sit trita successuri dedecoris via, quam plerique aliud affectantes emensi sunt. Porro & ad mortalem quoque vitam pertinet oraculum illud: *Qui se exaltat humiliabitur*. Nam præter antiquas tragædias, ætate quoque nostra, curia ipsa nonnullos parum humiles explosit. Superbia enim capitalis diuinę glorię inimica, & maiestatis ipsius infinite contemptrix est, cui proinde rependitur. ultio illa: 1. Reg: 2. *Qui contemnunt me, erunt ignobiles*. Oporteret profecto superbos, honorum ambitores fide ipsa, quam profitentur, urgere. Si enim aliis præponi gestiunt, quid cogitant?

quanam

quam ratione consultant? Christus palam commendauit postremos accubitus, tanquam gradus, quibus in primos ascenditur. Si ergo hæc paradi splendoris via Christo asseritore creditur, quomodo in primas sedes validis conatibus, vanisque propriorum meritorum encomijs eruntur? In cassum seipsum curis, & laboribus conficiunt, vel enim non asseruntur quod cupiunt, vel elati deturbantur, ut verum probetur effatum illud: Eccl: 10. *Sedes superborum destruxit Deus, & sedere fecit mites pro eis.* At humiles, & mites, tametsi syluas, & dumeta pererent, ad honores amplissimos euocantur, sicut scriptum est: Psal: 77. *De post factantes accepit eum, pascere iacob seruum suum, & Israël hereditatem suam.*

*Curia castè utendum.*

*C A P: XII.*

**S**Order Deo, sorder, & curiæ  
 Saulicus intemperans, seque  
 proinde ijs honoribus, & præ-  
 mijs, quæ conquirat, reddit in-  
 eptum: neque enim credi po-  
 test, hominem libidinosum fo-  
 re negotijs gerendis idoneum:  
 tantum abest, ut ad præfectu-  
 ram censeatur eligendus, qui  
 ea infami nota foedatur. Iam,  
 verò peius audiret, qui princi-  
 pum auribus aliquid impurum  
 suggereret, non absimilis pro-  
 ceribus Ægypti, qui Saram Pha-  
 raoni à forma cōmendarunt,  
 sicut scriptum est: Gen: 18.  
*Laudauerunt eam, apud illum: &*  
*sublata est mulier in domum Phara-*  
*onis.* Absit à Christianis aulicis  
 impudentia, & labe, quæ vix

*vnquam*

vnquam abstergitur. Conscientiæ primùm, deinde nomini consulant suo, & impuritatis occasiones perquàm sedulò vitent. Corpus vegetum studio, labore, ieiunio eneruandum, ne animus sordidæ voluptatis illecebra captus intereat. Taurus iugo minimè assuetus virentia prata licenter oberrat, neq; cogitat se pasci ad securim. Securior est bos lassus, & addictus aratro. Ergo aulicus æternæ salutis memor iugum Christi subeat, & inferorum tormenta formidet.

*Curia frugaliter utendum.*

*CAP: XIII.*

**B**isariam in hoc genere peccari posset, & quotidiano cibi, potusque excessu; & fortuito, frequentiq; conuiuio ni-

mis lauto, ac sumptuoso. Sup-  
petit occasio multiplex, vbi au-  
licus, vel domi, vel foris irrita-  
tur, vt abutatur mensa ad volu-  
ptatem, qua mentem hebetat,  
& corpus obtundit. Finitimum  
veneri vitium, quin & illius o-  
rigo est, similisq̃ infamie ge-  
stat inscriptum. Homo quippe  
satur, & penè remulētus, cuius,  
vt Apostoli verbis vtar, Phil: 3.  
*Deus venter est*, neq; diuino cul-  
tui, neque Reipub: vsui, neque  
sibi ipsi putatur. idoneus. Ne-  
mo illum amicitia dignatur.  
sua, nemo ad consilium accer-  
sit, nemo illi secreta credit, ne-  
mo ei quicquam agēdum com-  
mittit: & quasi mentis impos,  
à viris cordatis respuitur, atque  
contemnitur. Ergo temperan-  
ter agendum, præscribendusq̃  
mensæ modus, quo ita corpus  
alatur,



alatur, vt animus minimè grauetur, sed capite libero, inter epulas quoq; medias de rebus propositis possit ferre iudiciũ.

*Curia non inuidè vtendum.*

*CAP: XIV.*

**F**Requès nunc prouisa, nunc inopinata curiæ prosperitas aulicos malè vexat. Secundus vnus hominis euentus permultos alios eiusdem boni cupidos, tanquàm iaculum fatale percellit. Aegrè quippe fertur, vt qui ante dies paucos æqualis erat, nunc ob altio rem dignitatem demissius honorandus sit ab eiusdem honoris riuallibus, mœstis, & spe deiectis. Ex hac graui animi affectione oritur multiplex malum, sed illud creberrimum, vt aulicus ea peste tactus difficulter admo-

dùm de alijs honorificè loquatur. Quin etiam eò procurrit affectio, vt quæ in aliis planè grandia videntur, tenuiter probet, aut etiam ita disputet, vt opinio de aliorum meritis concepta decrescat. Semper scilicet pungitur, fatagitque alios deprimere, ingloriosq; arguere, ne nomen sibi inuisum celebre tur. Christi charitas huius veneni antidotum est: quocirca Christianus aulicus aliorum merita æstimare, laudibus efferre, imò & augere debet, si officium velit explere. Consideret nequicquam, se torqueri aliena claritate, quam nequit obnubilare, nedum extinguere: seque ipsum infeliciorem fieri, quò dolor alieno bono excitatus acerbior est: Satiuscq; esse diuinam prouidentiam venerari, velleq;

velleque omnino quod à Deo constitutum est. Quod si diuini rationibus non cedit animus liuore tabescens, parcat sibi saltem ipsi, ne tam diris vulneribus saucietur. Consulat saltem existimationi suæ, quæ in discrimen adducitur, quoties signa prodit inuidentiæ, quæ diu celari nequit. Dan: 6. Ne se præcipitet more Satraparum illorum, qui Danielis gloriam ferre non valentes, à Rege Dario sententiam mortis extorserrunt, qua demum ipsi capti sunt.

*Curia sine detractiōe vtendum.*

*CAP: XV.*

**N**ihil in curia frequentius, quàm detractio. Modò detecta, modò detecta, quæ iuxta pijs aulicis incredibilia videntur.

ptatem ingenerat. Vitium est infame, arguitq; animum minimè generosum, qui sibi temperare nesciat. Omnia peruersè interpretatur, omnes etiam inculpato vellicat, adeoque dulcescit, vt lingua illicitæ suauitati asueta vix vnquã, nisi ad reprehensionem soluatur. Profectò aulicus hoc contagio infectus diuini iudicij immemor est: Si enim meminisset, quæ, & qualia ei obijcienda sint, fieret ipse in alios clementior, vt Christus animorum cognitor ei mitesceret. Sanè verissimum est illud Psal: 56. *Filij hominum, dentes eorum arma, & sagitta, & lingua eorũ gladius acutus.* quemadmodum enim sagittis, & gladijs corpus perfoditur, atq; discerpitur, ita bonum nomen linguis mordacibus deteritur,

atque

atque difijcitur. Ceterum non impune ferent, vt è pfalte diuino liquet, qui cum oraffet liberari fe à labijs iniquis, & à lingua dolofa, rogaffetque ecquid poenæ detractoribus rependeretur, refpondit: Pſal: 119. *Sagitta potentis acutæ cum carbonibus defolatorijs.* Ergo linguarum ſagittæ, ſagittis omnipotentis retunduntur, & conatus obſcurandi aliorum claritatem, inferiorum carbonibus planè defolatorijs plectetur, quo nihil calamitioſius excogitari valet. Miror certè linguæ licentiam, præſertim vbi in homine verbosè agēte deſideratur bonum cōſcientiæ testimonium. Saluberrimum cōſilium eſt de proximis honorificētius loqui, obtreſtatorib⁹ obſiſtere, omneſq; liberaliter cōmendare, atq; tu-

*Curia non captiosè vtendum.*

*CAP: XVI.*

**I**Nter vitia, quæ palatinos infestant, captiosum agendi genus est, quo viros bonos seducere, & tanquam simplices auliculas in laqueum adigere certant. Sic sanè aulici Saul, ab inuido rege inducti Dauidem urgebant his verbis: 1. Reg: 18. *Ecce places regi, & omnes serui eius diligunt te. Nunc ergo esto gener regis.* Optabat Saul stimulis inuidentiæ incitatus Dauidem de medio tollere, submisitq; aulicos, qui monerent, regis filiam ei nuptui tradendam, si se dignum eo cōiugio gereret, non opibus, aut spolijs, sed cædecum Philistæorum, vt liquet ex verbis illis: *Non habet Rex spolia neceffe, nisi tantum centum*

*prapu-*



*præputia Philistinorum, ut fiat ultio de inimicis regis. Hic sermo leniter, ac syncerè decurrere videtur; verùm quàm esse tæptiosus ex eo patet, quod non tendebatur laqueus Philistæis, sed ipsi Dauidi, iuxta proxima sacri textus verba: Porro Saul cogitabat tradere Dauid in manus Philistinorum. Non rarò aulicus grauitè affectus inducit, quem maximè odit, ad res in speciem præclaras, eo scilicet scopo, ut in discrimen vitæ, vel honoris hominem inuisum impellat. At in caput suum, insidias parat, Deo malis artibus vicem reddente: ereptiq; innoxij celebrant sacrum illud: Luc: i. Salutem ex inimicis nostris.*

*Curia non auarè utendum.*

*C A P: XVII.*

**A** Vlici auro studentes, Reip. hostes appellandi sunt. Nimis emungunt, sanguinemque proinde eliciunt, quod fennale spectaculum est. Profectò qui immoderatè in curia dilescere nititur, ferus venator videtur, omnibus exosus, & formidabilis efficitur, cuiusq; mors summis votis expetitur, quod neminem latere potest. Officit sibi altè infixæ radice omnium malorum, quæ est cupiditas: Officit Reip. cuius munia parùm fideliter obit privati lucrì turpissimò intuitu: Officit proximis, quorum sanguinem exsorbet. Neq; temerè sperandum corrasa pecunia diu feliciter vsurum, quem avaritia semel excæcavit: vulgò quippe sordidè viuit avarus, & aurum rapina, vel fraude malè congestum in-

stum interuertitur. Viuit anxius homo cupidus, timet sibi, frui non audet; & tamen vt locupletior euadat, se se peccatorum pelago cæcus immergit. Nimirum cupiditas ea est, quã teste Apostolo: 2. Tim: 6. *Quidam appetentes errauerunt à fide.* Si autem Catholicæ fidei lumen extinguit, quæ criminum monstra non generet? Hæret aurû cordi, apprimitur, illabitur, vt rarò cupidus homo resipiscat, vel morti proximus. Ergo tempus anteuertendum, gliscentique auaritiæ robur atterendû est; & ex officijs sibi creditis aulicus id duntaxat, debet requirere, quod æquitas, pietasq; refundit.

*Curia non otiosè vtendum.*

*CAP: XVIII.*

**V**ix dici queat, quàm sint sui impotes aulici otiosi, quàm inertes, garruli, detractores, inconstantes, ignavi, aliorumque vitiorum notis repleti. Terra ferax est; at cum desit cultura, pro tritico, & hordeo, carduos, loliumque proginat. Ratio, experientiaque rem confirmant: cum enim studio nulli honesto se ipsos destinât, ingenium perspicax, nobilitas, opes in malorum grauium instrumenta vertuntur, ipsique modos multos abutendi tempore excogitant, & alios benè institutos ad sua oblectamenta demulcent. Timendum est: nam suppetit eis saturitas, & accedit otium, quæ fuere duo Sodomorum peccata tremendo incendio punita. *Ezech: 26.* Ergo aulicus quisque sic vitam instituat,

vt mi-

ut minimè vacet, sed pro statu suo vel litterarijs, vel militarijs, vel pijs exercitijs tempus impendat, euadatq; in dies se ipso melior, Deo gratior, Reipub: & proximis utilior. Ne torpeat, vel opus procrastinet: fiet enim quotidie ineptior, & irrisione dignior. Et quidem, si alia capita torporem non excutiunt, consideret saltem mortalium sedulitatem, qua opes caducas coagmentant, & tantundem operæ pro sapientia, paranda, & quod nobilius est, pro sempiterno regno pijs exercitijs nanciscendo ponat, quantum laboris illi pro fluxis bonis exantlant.

*Curia fideliter utendum.*

*CAP. XIX.*

**A**D boni aulici partes facile pertinet spectata in negotijs ge-

tijs gerendis, in secreto seruando, in ratione reddēda, & vniuersē in rebus sibi creditis fides. Qui enim fidem fallit, non curia modò, sed hominum societate cēsetur indignus: quem ne ipsi quidem ethnici milites, vel mercatores ad sua pacta reciperent: pugnat enim cum naturali ratione fidei violatio, quæ aditum ad fœdera, ad promissa, ad contractusq; omnes intercludit. Porro fallentes datam fidem è sublimi quouis curiæ loco, cum dedecore summo deturbantur, neque locus poenitiæ superest apud mortales principes, qui dementiæ genus ducunt, ei fidere à quo semel decepti sunt, quod exempla vulgarissima conuincunt. Si ergò temeratae fidei culpa per se adeò deformis, adeò mortua



mortalibus odiosa, adeò ludibrio exposita est: profectò suæ salutis, & honoris contemptorem oportet esse aulicum, qui se fidissimum probare non certat. expedit ad virtutis huius culturam circumspectè agere, asservare scripta, moderatè polliceri, conventionisq; reddendæ tempus potius prævenire, quàm differre, & pro explendo promisso, secreti iure, alijsque similibus, & rei familiaris, & commoditatis pati iacturam.

*Curia sine adulatione utendum.*

*C A P: X X.*

**A**dulatio saccharum aulicorum est, quod teritur, & negotijs quasi dapibus inspergitur. Nimirum mortales proni sunt ad eos hyperbolicè, aut  
simulatè

simulatè laudandos, à quibus opes, vel honores requirunt: eoque promptius laudes exaggerant, & agglomerant, quò sibi certius est, absque fastidio accipi molliter irrepere, interdumq; vel mendacia ipsa graphicè picta placere. Ceterum quicquid fragilitas excuset, exploratum est, assentationem, vitium esse abiectissimū, quod viros ingenuos minimè decet: neque credendum eo artificio vera vlla bona posse parari. Quin verò credendum, mala ingentia inde prodire, præsertim vbi principibus Reipub: status pro perturbato tranquillus, pro sterili fælix coloratur: nam quæ assentatio principis solius personam afficit leuior est, tametsi, & hæc malè accepta grauissimè lædât. Cuius rei

argu-

argumento est tragica mors  
Herodis, cum trabeato, pro tri-  
bunali sedenti, & concionanti  
Tyrii, & Sydonij adularentur  
in hæc verba: Act: 6. *Dei voces,  
& non hominis.* Intumuit ipse  
diuinitatis imagine, moxque  
horrendo supplicio peremptus  
est, ut liquet ex adiectis sacri  
textus verbis: *Confestim autem  
percuſſit eum Angelus Domini, eo  
quod non dedisset honorem Deo, &  
consumptus à vermibus expirauit.*  
Pruritus adulationis aures ca-  
stæ non ferunt.

*Curia sine susurro utendum.*

CAP: XXI.

**S**Vfurrus discordiæ sator., &  
**R**eip: impugnator est: quod  
utinam pro rei grauitate per-  
penderent, qui ad principum  
cubacula penetrant, timores, ac

suspicio-

ſuſpicionē excitant, & concordēs ad infauſta diuortia perpel-  
lunt. Funēſtius malum eſt, quā  
vt ſcripto breui exprimi poſſit.  
Turpe quidem vitium vel mili-  
tibus transfugis, maleq; mul-  
ctatis: quid autem, de aulicis  
nullo ſtimulo punctis, ſed ſpon-  
tanea malitia peccantibus ſen-  
tiendum? Conqueſtus eſt Da-  
uid, quòd huiusmodi homini-  
bus Saul aures præberet atten-  
tas, in hunc modum: i. Reg: 24.

*Quare audis verba hominū loquen-  
tium, Dauid quærit malum aduer-  
ſum te? Per antiqua ſcilicet peſtis  
eſt; qua ſublata ſedantur animi  
vti ſcriptum eſt: Prou. 26. Cū  
deſuerint ligna, extinguetur ignis,  
& ſuſurrone ſubtracō iurgia, con-  
quieſcunt. Caueat ergo aulicus  
ne ſit lignum aridum, ignis di-  
ſcordiæ pabulum, ſed quoad*

pote-

poterit incēdio materiam subtrahat, diuinæ charitatis legi obtemperet, pacem alat, nuncia allata, atque relata piē interpretetur. Quod si præstiterit, omnino speret, se per amplam mercedem à Deo pacis auctore recepturum.

*Curia sine affectatione gratia  
utendum. CAP: XXII.*

**N**ihil in aula, curiaūe æquē pretiosum, ac principum gratia ab aulicis æstimari solet. Pro hac paranda vel augenda, nihil non mortales attentant, ut optandum sit, tantundem laboris pro gratia diuinæ maiestatis hauriant, quod est votū planē mirabile. Ceterū quā sit fragilis, inconstans, casibus obnoxia hæc hominū gratia, quotidianæ mutationes cuin-

cunt.

cunt. Porrò gratia hæc multo labore parta, vas vitreum est, quod ictu leui perfringitur: ut post annos plurimos videam<sup>9</sup> plerosq, gratiæ mercatores, ex amplissimis aulis depulso, quovno, vel altero verbo à principis sententia discreparunt, vel quia lentè in sententiam concesserunt: quo quid infelicius? Verùm licet à gratia non excidant, maior est conseruationis labor, quàm fructus: quid enim speretur ab ijs, in quibus, ut cecinit diuinus vates, *Non est salus*. Id autem boni, quod subest, ipso temporis decursu conflaccescit, ut hominum gratiæ aptè consonet illud quod de forma quidã scriptor asseruit:

*Forma bonum fragile est, quantumq, accedit ad annos,*

*Fit minor, & spatio carpitur ipsa suo.*

Si ergo



Si ergo mortalium gratia iterilis est, neq; salutis ferax, neque eodem tenore procurres, imò facillimè mobilis; quid cogitat aulicus, qui quodam, velut idololatriæ cultu, eam gratiam aucupatur? An putat se ideò bonum virum, Reipubliceq; proinde idoneum, quia placet? Minimè quidem: potest quippe, cùm bonus sit, displicere. Nouit hoc Achis Rex Geth Dauidè affatus: 1. Reg: 20. *Viuit Dominus quia rectus es tu, et bonus in conspectu meo, sed Satrapis non places.* Gratia igitur principum non affectatè exquirèda, tametsi neq; habèda neglectui.

*Curia sine factionibus vtendum.*

C A P: XXIII.

**S**Æuissimus nostræ salutis hostis, ac nocèdi cupidissimus

animos

animos aulicorū in studia varia diuidere, ac pro sua quemq; opinione vehementer afficere consuevit, vt quod exempli causa producitur, hūc pro Gallia, hunc pro Hispania configere paratum per oblatas occasiones in tetra peccata præcipitet. Et quidem mirum videtur, neque in Gallia, neque in Hispania ortos, neq; oriundos, adeò ardentem regni vnius, cum alterius exprobratione, studium arripere, pertinaciterq; tueri, vt in medijs quoq; plateis occasiones importunæ laudis, & maledicentiæ caprēt, eaq; de causa, & vitam, & animæ salutem in discrimen adducant. Temeritas est Christianis hominibus dissentanea, iuxta Apostolum Corinthios reprehendētem in hæc verba:

I. Cor : I.

I. Cor: 1. *Hoc autem dico, quod unusquisque vestrum dicit: Ego quidem sum Pauli, ego autem Apollos, ego verò Cepha, ego autem Christi.* Carpsit homines in studia varia diuisos, quos malebat in vñ Christum coalescere: quocirca alto cum sensu subiicit: *Diuisus est Christus?* quasi planius dixisset: *Quorsum Christi corpus ex multis Christi cultoribus compactum varia opinione discerpitis?* Hoc ipsum, istis nationum diuersarum vñum Christi corpus componētium sectorib⁹ exprobrari posset. Neque ratio vlla potest obtendi, quæ affectum immoderatum honestet: nam quod à plerisque prætexitur, affici se in hanc gentem, quia cultior, fortior, religiosior est, illam verò odisse vt minus laude dignam,

fortasse probandum, ut alteram  
 præ altera quis amet; minime  
 verò ut alteram oderit, male-  
 dictisq; proscindat, vel ut quā  
 impensius amat, intempestiue  
 cum alterius expressa, vel taci-  
 ta vituperatione commendet.  
 Porro Corinthij Pauli studiosi,  
 aliqua ratione subnixa sibi lau-  
 di vertere videbantur., quòd  
 Pauli non Apollo filij forent,  
 & tamen iactatio illa Paulo di-  
 splicuit. Salubrius consilium  
 est, porrectis diuinæ charitatis  
 brachijs omnes cuiusvis gene-  
 ris amplecti, illosq; sibi amicis-  
 simos ducere, qui omnium o-  
 ptimi, ac integerrimi sunt.

*Curia non curiosè utendum.*

*CAP: XXIV.*

**C**Vriositatis vitium à viris  
 sapientibus multis nomi-  
 nibus

nibus reprehenditur. Tempus, rem scilicet pretiosissimā, bonis exercitiis præripit, animū variè, ac noxiè afficit, caput rerum vtilium, diuinę præsertim sapientiæ studio destinatum, vanis imaginibus, ac mendaciis opplet, hominemque totum de mente deducit. Quocirca mirum est, aulicos Christianos minimè paucos nihilò meliores in hoc genere videri; quàm Athenienses, qui ex hoc capite vituperantur, sicut scriptū est: Acto: 17. *Athenienses autem omnes, & aduena, hospites, ad nihil aliud vacabant, nisi aut dicere, aut audire aliquid noui.* Hinc efficitur vt per hebdomadas singulas totius orbis terrarum commentarios figmentis, ac suspicionibus refertos, quos Gazetas appellant, accipere velint.

Neque verò quiescunt, sed superstitioso quodam politica diuinationis genere nosse cupiunt, quid alij speculatores de rerum successu prædicant; atque in hunc modum farragine quadam cogitationum inconditarum absq; numero subeuntium obruuntur. Quid de huiusmodi voluptate proferam? Quanto esset consultius, tot horas rebus dicare serijs, pijs, utilibus? Brevis admodum humanæ vitæ periodus est: Subsunt plurima discenda, quibus immortalis animus ad sempiternam gloriam instrui, promoueriq; debet: quomodo ergo Christianus aulicus non animaduertit, se toto aberrare cælo, dum nouitatis illecebra permulcetur? Profectò qui eiusmodi studijs addicitur, Acto: 17.



*Ignoto Deo, ut olim Athenienses*  
aram erigit : ita quippe Deum  
colit, inexplibili rerum cadu-  
carum curiositate præpeditus ,  
ut eum minimè cognoscat.

*Curia non profanè utendum.*

*CAP: XXV.*

**P**ROfanus curiæ usus est mul-  
tiplex, qualis ille, quo auli-  
cus in studiū rerum planè pro-  
fanarum incumbit effectus dis-  
quisitor genealogiarum, & nu-  
mis matum antiquorum, quo-  
rum imaginibus, ac inscriptio-  
nibus dispiciendis, ac intelli-  
gēdis curam auctiorem, quàm  
observationi diuinæ legis im-  
pendit. Sedulitas hæc facilè in-  
dicat, quid in animo delitescat.  
Quid enim de homine Christi-  
ano censebimus, qui subterra-

nea secreta rimatur, vt mutilas  
statuas, parmulas vetustate ex-  
efas, galeas contusas in loco  
honestiore, quàm Sanctorum  
reliquias collocet, multisque  
millibus spectacula profana  
conuocatis admiratoribus o-  
stentanda emptitat? Parum fe-  
lix est, qui profanis oblectamē-  
tis capitur, longēque recedit à  
consilio illo. Psal: 36. *Delectare  
in Domino.* Partem quippe vitæ  
non modicam ethnicorum ri-  
tu transigit. Si autem ethnico-  
rum ritu viuit, quid à Christo  
remuneracionis expectet? Di-  
labitur tempus, mors festinat  
accedere, iudicium tremendū  
imminet: qualis ergo demen-  
tia est, alta obliuione salutis æ-  
ternæ curam deponere, & ter-  
ræ viscera ethnica sollicitudi-  
ne permeare? At dicet quispi-  
am, se

am, se salutis curam neutiquā  
ablegare, sed animi gratia res  
antiquas, sine ullius offensione  
perquirere. Ceterum quomo-  
do Dei, salutisq; suæ curam nō  
abijcit, qui ex professio profanæ  
antiquitati plurimum, Deo, a-  
nimæq; curæ tam exiguū tem-  
pus attribuit? Quomodo nul-  
la timetur Dei, ac proximi of-  
fensio, ubi homo Christianus  
profanis curis tā seriō se ipsum  
implicuit? Res ad trutinam di-  
uinæ legis expendenda est.

*Curia non superstitiosè utendum,*  
*CAP: XXVI.*

**S**uperstitio multiplex curiā  
solet inficere, qualis est diui-  
natio futuræ vitæ à natali ac-  
cepta, qualis item, prædictio  
mortis principum, quæ varijs  
ex causis non exoritur, sed ex-

primitur. Quæ cetrè in prædictione culpa duplex vitanda, altera quæ in ipsâ prædictione inest nullo fundamento subnixâ, altera, quæ ad affectum pertinet, qui eiusmodi vanis observationibus irritatur, & pascitur. Sanè quod ad superstitiosum præfandi genus spectat, exploratum est, nullam certam signorum, & euentuum connexionem piè, vel prudenter asseri posse, rebus theologicè, ac philosophicè perpensis: qualis enim connexio, exempli gratia, inter percussum fulmine, arcis fastigium, principisque mortè reperitur? Quòd si mors alicuius principis circiter. ictû fulminis aliquando incidit; quis non perspiciat, ex fortuito euentu nullum argumentum, firmû duci posse? Profectò le-

uitatis

uitatis argumenta plurima inde promuntur, neque culpa vacat impensum, coniecturis tempus, quod curis alijs deberet impendi. Iam verò, si de affectu sermo fiat, qui vanis observationibus student, facile significant, cupere se, quod coniectant, quod turpe videatur. necesse est. Viros graues, atq; cordatos decet, prædictiones vanas aspernari, spontaneosq; hos mendaces vates à suis aulis depellere.

*Curia non scurriliter utendum.*

*CAP: XXVII.*

**S**curræ, qui appositè ad risum excitandum, verba, sententiasq; confingunt, principum que aulas, & mensas frequentant; ignauum hominum genus est. Cui quasi contiguum.

lucedit genus alterum, quod  
tamen institutum, illud infame  
non profiteatur, proximè  
tamen accedit, & facetijs, scom-  
matibus, satyricòue sermone  
omnia permiscet, vnde sibi vi-  
ctum fortassè cõparet. Explo-  
ratam est, quod in aluearibus  
cernimus, hoc in curia spectari,  
essè videlicet homines inutiles  
abliguriendis aliorum obsoni-  
is intentos, æquè ac fucos api-  
um mellificio inhiantes, qui  
vno dumtaxat bombo glorian-  
tur. Bonus aulicus ab hoc stu-  
dio longè debet abesse, quod  
cum vitæ integritate, ac status  
decoro cõnecti minimè valet.  
Certè scurrilitas ab Apostolo  
reijcitur, vt quæ Christianum,  
hominem neutiquam deceat.  
Eph: 5. Quomodo enim deceat  
inanis illa verborum, effusio,  
quæ

quæ prudentum virorum iudicio mentis leuitatem arguit, neq; cum pietate cohæret? Qui ergo salutem, ac honorem suo consulit, vanitatem hanc procul arcebit.

*Curia non verbosè utendum.*

*CAP: XXVIII.*

**P**Auci fortè aulici loquacitatis vitium pensitant, vel id esse ducunt, à quo abstinendum sit. Eo quippe processit vitæ licentia, ut nihil mali se admittere plerique censeant, quantumvis linguæ habenas laxent, dummodo non peierent, mentiantur, aut detrahant alienam famam, vel alia id genus linguæ peccata perpetrent. Errant verò illi grauius, cum scriptum sit: Prou: 10. *In multiloquio non deerit peccatum.* quod crebris ex



perimentis allèritur.. Et quidem res per se ipsa perspicua est: Si enim, vel qui præmeditati loquuntur, vix ita verba trutinant, vt aliquid reprehensione dignum non excidat, tametsi vitæ integritate, prudentia, & doctrina præcellât: quid ij non peccent, qui absq; consilio vlllo, tanquam per inexploratum mare vela explicant, & arrepta vndecumq; ansa cupidissimè verba faciunt, neq; loquendi sitim explere possunt? Nihil istis molestius, quàm silere, vt eis aptè congruat illud Eliu verba facere cupiētis. Iob 32  
*Plenus sum sermonibus, & coarctat me spiritus uteri mei. En venter meus quasi muslum absque spiraculo, quod lagunculas nouas dirumpit. Loquar, & respirabo paululum. Conceptum sermonem reprimerè*

mere nequeunt, & obserata ratione claustra non tam aperiant, quàm perrumpunt. Omnia permiscunt, aliis inuisi fiunt, quorum capita obtūdunt, propriæque existimationis iacturam faciunt, cùm eò minus idonei serijs negotiis credantur, quò vberius, leuiusque loquuntur. Nimirum causarum, decisio grauium, sensa multa, verba pauca, perpensaque requirit, eaque de hominibus tacitis persuasio à populo cōcipitur, vt dum illi labia diducunt, oracula reddere videantur. Ergo in curia parce loquendum.

*Curia veraciter vtendum.*

*CAP. XXIX.*

**Q**Vàm sit viro aulico ad placendum Deo, ad fidem sibi conciliandam, ad officii par-

res explendas opportuna veritas, tam est per se compertum, ut assertore non egeat. Erit autem ad rem veritatis honestatem, ex opposita mendacij turpitudine perpendere: Ut enim mendacium honestari vlla de causa nequit, ita veritas à nativa pulchritudine, detorqueri non potest. Quod vero ad hominum consuetudinē attinet, manifestum est, aulicum mendacem infamiae notis infici, bonorumq; virorum amicitia indignum existimari. Si autem de officio deferendo, vel magistratu gerēdo sermo fiat, quis vnquam suffragetur ei, qui vel cū vera promit, est de mendacio suspectus? Certē non Christus modò, qui est ipsa veritas, sed gentes vniversae quocumque nomine censeantur,

menda-

mendaces homines tanquam proditores intuentur: quos si ad mendacij consuetudinem prolapsos videant, nihil eis bonæ spei superesse videtur. Neque abs re, cū scriptum sit: Psal: 3. *Perdes omnes qui loquuntur mendacium.*

*Curia sine nouis inuentis utendum.*

C A P: XXX.

**V**T nouorum dogmatum, ab scholis, ita nouorum rituum inuentores à curia pellendi essent, nō inquam inuentores piarum consuetudinum, sed vanorum rituum, aut morum, quorum origo malorum germinum, seminarium, est. Constat nempe vnius hominis inuentum in holosericis, auro ué textis vestimentis, in mensæ lautitia, in domus apparatu.   
incredi-

incredibili æmulatione ab aliis arripi, immodicisq; accessionibus augeri: vt quàm difficillimum sit, imitationis libidinem compescere. Iam verò quis non perspiciat, inuenta, hæc Reipub. officere, cuius vires atteruntur, salutiq; animarum, quæ ijs cupiditatibus affectæ à cultu pietatis longè abducuntur? Profectò recenseri nequeunt mortalium inuenta luxui, & voluptati destinata ijs potissimùm in locis, vbi parū pia, sed perspicacia ingenia excoluntur. Sat ergo sit, abusus in morem, inductos latè serpere: quorsum tamen accuratum noua excogitandi studiū, quod à Christiana disciplina respuitur.

*Curia non diu vtendum.*

*CAP: XXXI.*

Pruden-

**P**Rudentes, pijq; milites, ac mercatores nonnulli, antequam senescant, à castris, nundinisq; desistunt, præsertim ubi satis viatici ad residuum vitæ tempus comparatū est. Expedit quippe, se se laqueis solutis, vel disruptis eripere, ne in agone supremo præfocentur. Consilium hoc aulicis saluberrimum est; acceduntq; exempla permulta eorum, qui senio confecti miserrimè in aulis intereunt, cum possent non incommodè proprijs in ædibus piè, ac tranquillè defungi. Curia, velut comoedia quædam est, cui aulici spectatores, & auditores intersunt, cuius voluptate allekti lapsum prolixi temporis minimè deprehendunt, totasq; interdum noctes incoenati, insomnesque perdurant.

Qua-

Quapropter vel inuiti absce-  
dant opus est, ne cunctatio di-  
utius protracta tempus præme-  
ditationi mortis, & conscien-  
tiæ expiationi adimar, seroq;  
querantur, se imprudenter e-  
gisse. Porro vereor, ne pleris-  
que inclinatae iam ætatis auli-  
cis congruat illud, quod Israëli  
obiectum est: Deur: 32. *Gens  
absque consilio est, & sine prudentia:  
Utinam saperent, & intelligerent,  
ac nouissima prouiderent.* Non in-  
eptè cecinit quidam:

*Regum sollicita quicumque senescit in  
aula,  
Aut furit, aut ultro concupit esse miser.*





PARS SECVNDA  
DE CONSILIIIS  
AD VITAM PIE  
INSTITVENDAM.

*Consilium 1. De proponendo  
pietatis scopo.*

**R**EX quidam ætate hac planè prudentissimus tantum consilium fecit, vt diceret, placere sibi minus fortuitam victoriã, quàm exercitus cladem, quæ consilio præuio contigisset. Nimirum secundi euentus vbi consilium defuit, non sunt argumenta virtutis. Debet ergo aulicus, qui virtutes Christianas colere decernit, consilio regi: cui pro-

inde

indè primum consilium esto, ut dum in curiam pedem infert, non se præceps in pelagus negotiorum immergat, sed pietatis scopum sibi præfigat, & consulat, qua potissimum ratione genus vitæ, quod suscipit, pietati subseruiat. Si enim primum sibi scopum minimè proponat, perinde agat, ac si ædificium absq; fundamento molitur, quod extremæ dementiæ tribuitur. Propositus autem pietatis scopus ab eo peti nequit, nisi omnino statuatur, se nihil ausurum, quod cum diuinæ maiestatis cultu ægrè cohareat; non opes, non honores, non mortalium gratiam aucupaturum, accepturumque, nisi quatenus ad vitam piè ducendam conferre crediderit. Hoc sanè consilium tanti ponderis est,

est, ut pium, prudentemque aulicum ab impio, stultoque, discriminet. Pius videlicet, ac prudens sic opus auspicatur, ut honestissimi finis gratia actus obeat suos, ad proportionem expensos, atque per lineam rectam iustitiæ ad sempiternæ felicitatis lucra directos. Stultus verò finis honesti neglector, ordine præpostero res permiscet, dum diuinis humana, spiritualibus temporalia præfert: & absque directione, ac proportionem vlla, immoderatis æstuat desideriis, mortiferisque se plerumque peccatis implicat, dum voluntas licenter fertur, quò immodicus fluxorum bonorum appetitus impellit, quod à paucis obseruari animaduerto.

*Consilium II. De Sacramen-  
torum usu.*

**P**ietatis scopo præfixo prima  
boni aulici cura sit, ut me-  
dijs illis utatur, quæ Christus  
ad pietatem alendam instituit,  
cuiusmodi sunt sacramenta,  
quibus animus ad expugnan-  
da vitia, & virtutes perquiren-  
das armatur. Neque enim sibi  
constat, qui finem sibi ob ocu-  
los statuit, mediaque negligit,  
vel segniter usurpat. Qua pro-  
fectò in re planè grandi, mirū  
est, quàm sibi malè consulant  
pleriq; aulici, qui negotiorum  
fluctibus se obrui causantur, ne  
poenitiæ sacramento fre-  
quenter expientur, sacramque  
Eucharistiam octauo, vel quin-  
todecimo quoque die sumant:  
ne alios commemorem, qui  
mensēs

mensēs totos à sacramentis abstinent. Ergo né tam cæcè aberrēt, vt minimè dispiciāt quantopere sibi noceant? in dies singulos peiores euadunt, acies mentis obtunditur, animus obcœcatur, cor obdurescit, sensus ingrauescunt, infelicesq; homines cælestibus auxilijs spontè reiectis in oblectamenta mundi, pecudum ritu procumbunt. Quid, quòd Sacramentorū desuetudine, altaq; Dei obliuione eò pertingunt, vt quò longius remedia procrastinant, eò difficilius, vel periculo mortis urgente illa requirant? Porro, vt sacramenta cætera fileam, credo equidem, ethnicus aliquis de veritate Eucharistiæ monitus, recenterque conuersus, ac sententiam rogatus, responderet credere se, Christianos Eu-

charistico

charistico pane quotidie ali, incredibiliq; stultitię vertendum esse, si quis mensam illam non creberrimè frequēter, qua Deus in æterni amoris fœdus mortales tam humaniter accersit. Quæreretur ille fortasse, an liceret vel ipsos viros seraphica puritate nitentes, quoties vellet, accedere. Cæterum mensam illam à quoquam rogato deferi, ægerrimè sibi persuaderet. Et tamen, eò aulici non pauci prolapsi sunt, ut vix ter, quateruè per annum difficulter accedant, neque flecti possint, ut curiæ damna conuiuij illius crebritate compensent. Hi serò sapient.

*Consilium III. De orationis studio.*

**I**Nter alia bona, quæ aulici  
suæ

suæ salutis immemores<sup>r</sup> profunda obliuione sepeliunt, studiũ orationis recenietur. Quod adeò verum est, vt ne quidnam rei sit oratio pleriq; nouerint, quasi res minimè necessaria foret, vel Christus eam in Euangelio non impensè commendassèt. Mirum est profectò, viros ingenio perspicaces, & orandis principibus assuetos, vel inclinata iam ætate nondum, didicissè, quemadmodum Deus orandus sit. Porro prætexere nequeũt, se oratione parũ indigere, cùm inter discrimina multa versentur, à quibus nemo vnquam euasit incolumis, nisi quem propitius Deus eripuit. Si autè salus à Deoquirenda est, quomodo vitam, feliciter ducet, qui Deum obsecrare minimè consuefcit, aut

D

nouit?



nouit? Edificant ergo aulici  
 tempestiuè modum orandi, &  
 summo mane per horam sal-  
 tem dimidiam diuinę maiesta-  
 ti cogitationum & affectuum,  
 primitias offerant, vt toto die-  
 rum excursu à clementissimo  
 Deo dirigantur, & multiplicia  
 tartari, mundiq; spicula clypeo  
 diuinę protectionis elidant, vel  
 eludant. Conferant de re tanta  
 cum viris rerum diuinarum,  
 consultis, vt ab eis edocti, eo  
 saltem affectu, quo mortales  
 principes ad sua vota conan-  
 tur inflectere, regem immor-  
 talem deprecentur.

*Consilium IV. De presentia Dei.*

**V**IX dici possit, quàm sit  
 apud mortales exigua re-  
 rum diuinarum scientia, quàm  
 rara, vel certè neglecta mentio.

Quis

Quis enim inter aulicos certam aliquam rationem inijt iuvandæ memoriæ, vti artificio aliquo vtatur, quo Dei amorē, ac timorem inter negotia recolat, ne vlllo peccato fœdetur? Porro paucos inuenias, qui de re tanta cogitarint, nedum rei momentum expenderint. Caput innumeris imaginibus, & bonorum temporalium curis implent, soliꝫ Christo locus non superesse videtur. Sanè mirum est, animos cælestis sapientiæ studio destinatos, alia pene omnia incredibili sollicitudine velle complecti, & per quàm rarò meminisse summi, ac sempiterni boni, quo prosperari possent. Absit à cordatis aulicis obliuio hæc, quæ præter ingrati animi culpam, futuram infelicitatem portēdit. Curent

potius diuinæ maiestatis ubiq;  
præsentis identidem recorda-  
ri, infinitam potentiam vereri,  
se se frequenter ei submittere,  
opem postulare: ceteroque sibi  
persuadeant, curam hanc esse  
bonorum fructuum, feracissi-  
mam, siue de peccatis præca-  
uendis, siue de piis actibus obe-  
undis, siue de appetitu effræni  
coërcendo, siue de virtutis ar-  
duitate superanda sermo fiat.  
Si enim semel animo altè im-  
pressa fuerit Dei præsentia, id  
planè cōfert toti homini, quod  
exemplo familiari mortalium  
principum præsentia, famulis  
adstantibus imprimit. Ij quip-  
pe, tametsi intemperantes sint,  
quamdiù coram principibus  
agunt, modestè admodum se  
totos coaptant, ne quid incom-  
positum in corpore, vel gestu

se pro-

se prodat, quo ijs displiceant, quibus placere summopere cupiunt. Ad hunc ergo modum, qui Deum præsentem contemplantur, angelico more internos, externosque actus proportionem mira exercent, ipsoque intuitu, incessu, sermone, totiusque corporis moderatione facile indicant, se maiestatem, diuinam mente pertractare, attentèque dispicere, nequid indecorum admittant.

*Consilium V. De virtutum actibus internis.*

**A** Vlici sapientis est, ita erga temporalem affici curiam, ut priore loco ponat æternam, ac proinde inter ipsa negotia, quæ gerit, frequentibus desiderijs ad cælestem civitatem aspiret. Neque enim fu-

curæ felicitatis curam adeò debet abijcere, vt eam dumtaxat repetat inter missæ sacrificiũ, vel interim dum se ad sacras confessiones, vel Eucharistiæ Sacramentum comparat, reliquo vero tempore terrenis se totum curis immergat. Non expedit profectò tam prolixũ mundo, tam modicum Deo tempus impendere: sed inter alia negotia crebris mentis ascensibus, & egregijs virtutum actibus, illud æternę salutis negotium planè grauissimum gerere, intercalatiq; motibus cor in Deum attollere, modò spei, modò amoris, nunc poenitię, nũc humilitatis, aliarumq; virtutũ actus producere: quod à nonnullis aulicis, numero paucis, merito eximijs factitari consuevit. Neq; sane video

quid

quid huic cōsilio saluberrimo possint obtendere. Cū enim totas horas, vel ante principū cubicula, vel in hortis, vel in saceris ædibus exitum, ingressum, vel congressum principū præstolentur nihil omnino agentes, similiq; otio incertas alias horarum partes vario euentu deperdant; cur inertia torpeant, & non potius puris, pijs, salutaribus cogitationibus diuinam maiestatem adorent, ament, timeant, se à malis eripi, ad vera bona promoueri, à mundi laqueis expediri, dæmonis tentamenta peruincere, pia morte perfungi deposcāt? Credo equidem, esse non paucos, qui antequam operi alicui manum admoueant, Deum precantur, ne quid culpæ committant: ceterum, non hic subsi-

stendum est, cū omnino constet, posse illos absq; animi radio, vel bonorum temporalium decremento, pietatem augere, actusq; vti diximus, virtutum, nō in otio tantū proferre, sed ipsis quoque negotiis temporalib<sup>9</sup> intertexere, multisq; spei, diuini amoris, contritionis, humilitatis affectibus animum excolere, ius æternæ hereditatis acquirere, & multiplices victorias de infestissimo nostræ salutis hoste referre. Quæ de re cum viris consultis agendum est.

*Legatur pars 3. Sibi formula internorum actuum præscribuntur.*

*Consilium VI. De virtutum actibus externis.*

**E**ò licentia progressa est, vt parū timorati nonnulli

exter-



externos virtutum actus obire erubescant, tanquàm indecorum aulico sit, dum fuit iniuria lacesitus, molli responso iratos lenire, preces frequentare sacras, viros sanctitate eximios conuenire, hospitales domos petere, de contèptu mundi verba facere, aliaque huiusmodi, quæ, prolixum foret, per censere. Ceterùm error enormis est, hæc refugere, omittere, vel intermittere ob iudicia mortalium, quæ Christi iudicio minimè congruunt. At hypocrisi vertitur externus pietatis cultus, vel etiam ambitioni, quasi ea sanctitatis imagine facilius in sedes primas ascendatur. Verùm argumentum hoc pios animos non deberet à proposito deducere. Si enim syncerè ac perseueranter

agant, feliciter proficient, & hominum commenta ipso vitæ inculpata tenore refellent: vera quippe virtus, licet malis suspecta videatur, qui de alijs bene opinari nesciunt, temporis decursu adeò constanter splendet, vt nebulas omnes à detractoribus offusas dispellat, sui que ipsius assertrix, ac testis locuples luculentis signis proteruos quoque reuincat. Sed aulicus Christianus habet altiora, quæ consideret, Christum videlicet spectatorem, ac remuneratorem. Habet exempla principum piissimorum, qui externis actibus, contempta mundi censura, propalant quid internè animo versent, dum inopes alunt, nudos vestiunt, aere alieno grauatosa soluunt, sacramenta frequentant, ieiunijs

corpus

corpus subiugant, precibus assuescunt, & multarum meritis virtutum vitam, quasi polymitam iustitiæ vestem sibi contexunt.

*Consilium VII. De mortificatione.*

**M**irabitur fortasse Lector palatinam institutionem hanc tãquàm affectibus, & moribus aulicorum dissentaneam. Ecquis enim in curia de mortificatione passionum, de abnegatione proprii iudicii, ac voluntatis cogitet? Porro peregrinum, doctrinæ genus plebisque videbitur. Verùm si proprium vitæ institutum explorent, comperient profectò, se perenni quadam mortificatione torqueri, multoq; mitiora ab eis hoc loco requiri, quàm quæ ipsi mundi iugum sponte

subeuntes perferunt. Quoties, rogo, incommodè pernoctant, vel abnoctant, vt placeant ijs, quorum potentia, vel gratia innituntur? Quoties solitas cibi horas, vt ijs assistant, stomacho languente, transiliunt? Quoties opinionem propriam supprimunt, vel pernegant, ne ab aliis, quorum aucupantur. opem, dissentire credantur? Quoties aliorum placita, vel exercitia, se probare, cupideq; arripere multo cum voluntatis renisu cōfingunt? Si ergo hæc, aliaque plurima mundi gratia peruincunt; cur eis nouum dogma videatur, mitiorem aliquam mortificationem salutis æternæ causa suscipere? Porro sine valetudinis, lucri, vel estimationis damno, possent illi in cibo potuq; sumendo tan-

tillum

tillum appetitui subtrahere, in sermone familiari ab altercatione desistere, vel etiam modestè cedere, in lecto sternendo culcitra nimirum molles rejicere, in vestitu cultum nimis pretiosum, vel profanum excludere, atque in hunc modum in media curia Christi mortificationem comite meditatione vitæ cælestis exercere. Etenim noui ego aulicos paucos hæc fidissimè explentes: doleoq; vicem aliorum, qui de disciplina hac id planè respondere possunt, quod de sapientia mare apud Iob. Iob 28. *Abyssus dicit: non est in me; & mare loquitur: Non est mecum.* Et quidem si Christi absit disciplina, absit & sapientia; quid aulicis profit mundi prosperitas confestim interitura?

*Consilium V III. De pia lectione.*

**S**Vnt aulici plerique variæ lectionis, ac politioris litteraturæ cupidissimi, quibus persuadere vellem piæ lectionis studium, quod est immensi boni feracissimum. Mollitur animus ad sensa diuina cōcipienda, celestibus flagrat desiderijs, sordet ei mundi gloria, intima perfunditur lætitia, casta que voluptate penitus illapsa, alto cum mundi neglectu de summo bono conquiendo, regnoque cælorum expugnando, prudentissimè cogitat. Exprimi nequit quàm sit salubris piorum librorum lectio, quæ de peccatorib⁹ quoq; durissimis victorias perillustres retulit, inopinatoq; motu ex aulæ penetralibus ad monasticā disciplinam

palati-

palatinos traduxit. Sanè cùm  
Treniris Circēsi spectaculo po-  
pulus teneretur, duo aulici, oc-  
casionē lectionis libri pij, in-  
quem vnus inciderat, igne cæ-  
lestis desiderij adeò conflagra-  
runt, vt, ipsa lectionis hora,  
ipsoq; loco spem gratiæ princi-  
pum & quicquid mundus ado-  
rat, ipsas etiam sponfas intra-  
ctas reliquerint, seseq; totos,  
abiurato seculo, diuino cultui  
exemplo miro deuouerint,  
quod ab Augustino memoriæ  
proditum est. *Confes: 8. c. 6.*  
Si ergo pius liber. fortuitò ar-  
reptus eos pietatis stimulos in-  
opinis lectoribus infigit; spe-  
randum profectò lectores præ-  
meditados, & cupidos vim di-  
uinam è pia lectione conceptu-  
ros, qua feliciter proficiant.  
Quocirca deberent boni aulici

modicum



modicum tempus alijs negotiis ereptum, quotidie pijs libris impendere, vt præberent cor molle Christo, qui altè seipsum imprimeret. Experiantur, rogo, rem hanc per dies aliquot, fruanturq; piæ lectionis suauitate: spero enim eos vel ipsa delectatione capiendos, nam,  
*Trahit sua quemq; voluptas.*

*Consilium IX. De Eleemosyna.*

**P**Eccarat Chaldæorum Rex Nabuchodonozor; cui Daniel, Dan: 4. *Rex, consilium meū placeat tibi, & peccata tua eleemosynis redime.* Hoc ipsum consiliū aulicis saluberrimū est, vt quo affectu inopes prosequuntur, à Deo excipiātur, qui misericordiam liberaliter repensat. Eleemosyna peccati incendium, extinguit, & è sinu pauperis  
 clamat

clamitat peracutis vocibus, quæ  
in Dei sinum ocysimè petfe-  
runtur. Aulicus ergo, qui ex-  
piari cupit, & lucrum augere,  
sit omnino misericors, & pro  
facultatis modo largè, largius-  
ue refundat: nam tot tesseras  
collybysticas<sup>9</sup> spirituali cam-  
bio transmittit in cælum, quot  
eleemosynas erogat: quod qui-  
dem, negotiationis genus ca-  
stissimum est. Solent viri ge-  
nere, industriaq; clarissimi, in  
castro aliquo, opidoque natali,  
à curribus, lecticis, splendidoq;  
apparatu abstinere, vt facto  
per annos aliquot pecuniæ cõ-  
pendio, curiam gloriosè petât,  
liberaliusq; se ipsos, aulam, &  
famulitium exornent. Hoc e-  
go consulerem Christiano au-  
lico de cælesti curia cogitanti,  
vt parcius viueret, opesque ad

amplissi-

amplissimos<sup>2</sup> ciuitatis Dei honores in sinum inopum reponeret, quibus interpatritios, qui scripti sunt in libro vitæ, mirificè exornatus incederet. Infelix cui doctrinæ huius obrepfit obliuio, in cassum quippe fluxas coaceruat opes. Psalm: 48.

*Quoniam cum interierit non sumet omnia: neque descendet cum eo gloria eius.* Rectè dictum: Descendet: suo enim pondere deorsum fertur.

*Consilium X. De spiritali magistro,*

**N**on est æqua rerum æstimationio, si aulicus magistrū exquirat, à quo mundi prudentiam accuratè perdiscat, negligat verò animi ductorem, ac magistrum quærere, à quo cælesti prudentia instruatur. Ec-

quis

quis enim illum æstimatorem  
appellet æquum, qui de luto  
variè formando perquam se-  
riò, & de auro conflando per-  
functoriè cogitat, cùm ei libe-  
rum sit, ingentem luti, vel pu-  
ri auri vim pari labore conge-  
rere? Aulicis permultis animi  
cultura fortuitò succedit, dum  
confessarium modò hunc, mo-  
dò illum adeunt, neque inue-  
nire satagunt virum rei bene  
consultum, cui status, vitæque  
totius rationem exponant, &  
cuius consilio negotia gerant,  
moresq; reformèt. Porro con-  
siliium hoc de magistri delectu  
capita omnia ad vitam piè in-  
stituendam requisita comple-  
ctitur, vt patet ex apposis ad  
interrogata responsis, ac velut  
totidem oraculis, quæ diuina  
luce affulgente redduntur, ob

animi

animi demissionem, qua postulatur, Quapropter, qui multiplices vitare laqueos, implexa dissoluere, per viam tutam incedere, merita cumulare, conscientiaq; pacata vitam in casto Dei timore, amoreq; ducere optat; se ipsum velut nauem in media procella dirigendam idoneo nauiculario credat, ne fluctibus negotiorum, conuerberatus, repentinoq; aliquo vortice correptus intereat. Etenim exploratum est, monitum hoc à paucis aliquot omni exceptione maioribus observari: nescio autem cur à tam multis respuatur, quos oporteret non esse suæ salutis immemores. Cæterùm Matt:7. *Arcta via est, quæ ducit ad vitam, quam proinde à paucis percurri, minimè ambigendum est.*

Con-

Co

SO  
at  
libus  
da  
tis',  
præ  
pum  
cem  
et  
si pl  
bus  
ctus  
me

*Consilium XI. De spiritualibus  
exercitiis.*

**S**olent pij, ac timorati aulici  
assuescere quotidie spiritua-  
libus exercitijs in ordinem re-  
ductis, & statui suo attempera-  
tis, quæ à perito Confessario  
præscribuntur. Nos in princi-  
pum instructione nuper in lu-  
cem edita exercitia pauca, sele-  
ctaq; posuimus, quibus aulici,  
si placeat, uti poterunt, in qui-  
bus attentio mentis, tener affe-  
ctus, & perseverantia, com-  
mendatur.



# PRÆFATIO IN Tertiam Partem.

**S**æpe cum viris planè gra-  
uissimis de internis virtutū  
actibus differui, expendiq;  
quàm sint ad anima salutem apposi-  
ti. Caterùm non satis fuerit, de re  
tanta verba fecisse, cùm pateat, non  
esse vsque adeò multos, qui actus il-  
los frequentent, vel certè norint, qua  
ratione producendi sint. Hac ergo de  
causa, eos seorsim è nostra instructio-  
ne nouitiorum excerptos hac tertia  
parte tradere constitui, vt sectatores  
curia actuum ipsorum forma, facili-  
tate, ac suauitate allecti, eos in me-  
diis aulis, in plateis, in vijs taciti e-  
xercere assuescant. Quibus præfer-  
tim commendo quatuor fidei, spei, a-  
moris, & contritionis capita, quibus  
ad euentus varios, sed ad supremum  
præcipuè mortis agonem animus ar-

matur:



*matur: quæ me ratio impulit, ut  
in arte nostra bene moriendi, ea qua-  
tuor capita fusè persequerer.*

*Pramoneo hîc non sat esse, ad ve-  
ros actus virtutum producendos eos,  
uti iacent, mente concipere, crebroq;  
repetere; sed opus esse, affectum ex-  
citare, ut, verbis ore prolatis, in-  
tusue conceptis animus generosè  
consentiat.*

PARS TERTIA  
DE VIRTVTVM  
ACTIBVS  
INTERNIS.

*Actus Fidei. Cap: I.*

**A**CTOR Fidei  
Iesu Christe, fir-  
missimè credo,  
vera esse ònia,  
quæ te reuelan-  
te credit Sancta  
Mater Ecclesia: & pro assertio-  
ne hac libenter moriar.

Impossibile est, veracissime  
Domine, aliquid falsum Eccle-  
siæ tuæ à te reuelari: quod mor-  
te testabor.

Omnino verum est, tres esse  
sanctissimæ Trinitatis in vna  
diuinitate personas: pro qua

veritate

veritate occumbere desidero.

Verum est profectò, clementissime Domine Iesu Christe, te Deum & hominem, sed vnam tantum personam esse: atque utinam pro hoc asserto dirissimè comburam.

Certè verum est, te clementissime Domine Iesu Christe, Deum & hominem perfectum in Sacramento altaris existere: quod ego per medios gladios, & ignes profitebor.

*Actus Spei. CAP. II.*

**C**lementissime Deus, firmissimè spero, me tandem ex auxilio tuo, & bonis operibus gratia tua præstitis, gloria sempiterna fruiturum.

Tametsi gravissima peccata commiserim, liberalissime Do

E

mine,

mine, proculdubio veniam indulgebis.

Quamuis ad horas singulas in multas culpas deformiter labor, certè Christianam perfectionem, te iuuante parabo.

Etiam si licenter nimis grauiora peccata perpetrarem, tu, mitissime Iesu Christe, educes me de lacu miseriæ.

Quanquam solus ego peccatorum omnium, quæ ab ineunte mundo commissæ fuere, reus essem, tu benignissime Deus, libenter ignosceres.

Spero equidem, tuo munere, misericordissime Domine, omnem à me vitæ huius difficultatem superandam, & in terra viuentiũ me semper victurum.

Si consistent aduersum me castra, & exurgat contra me proelium extremum, ac inferni

portis

portis videar propinquare, adhuc misericordiam tuam magnam expectabo.

*Actus amoris Dei. CAR: III.*

**D**ulcissime Deus, oro te, ut cordis mei principatum, geras,

Amantissime Domine, sacrifico tibi praeordia mea.

Optatissimum bonum meum absit, ut aliquid amē, praeter te.

Suavissime Deus, animae meae, te solum quaero patrimonium meum.

Amabilissime, auctor vitae meae, sacrifico tibi viscera mea.

Speciosissime supra omnem mundi pulchritudinem, vre me incendio decoris tui.

Serenissime princeps cordis mei, trahere me post te.

Nolo rex forma præstantissimi  
me aliam hæreditatem, nisi te.

Dilcedant à me, splendor il-  
lustrissime animæ meæ, affe-  
ctus omnes peregrini, vt totis  
visceribus requiram te.

Viue potentissime Impera-  
tor cordis mei, & dominare si-  
cut decet te.

Sede, excelsissime Domine;  
in æterna sede Maiestatis tuæ.

Bene est, opulentissime De-  
us viscerum meorum, vt sis fe-  
licissimus intra te.

Placet mihi certè, sempiter-  
ne rex, vt regnes in æternum  
& vitra.

Vtinam purissime splendor  
cordis mei, possem subdere ti-  
bi omnia colla filiorum Adæ,  
vt requirerent solam pulchri-  
tudinem tuam.

Vtinam innumera millia.

cordi

cordium, quotquot tibi placere, vel placere possunt, ipse possiderem, vt immensis tui desiderijs æstua rem.

Da mihi dulcissime Deus, vt nihil mihi placeat, præter decorem tuum.

*Actus Amoris proximi.*

*CAP: IV.*

**V**Tinam, Clementissime Deus, peccatores resipiscant, & requirant te.

Fac, Domine benignissime, vt qui Ecclesiam oppugnant, se dedant Vicario tuo.

Per viscera misericordiæ tuæ obsecro te, vt qui terrenas dignitates ambiunt, potiùs aspirant ad te.

Conuertantur, precor te, mitissime Deus, quos voluptas carnis illexit.



Fac amantissime Domine, ut auari omnes affectum diuitiarum traducant ad lucra dilectionis tuæ.

*Actus Contritionis. CAP: V.*

**M**isericordissime Deus, de-  
testor peccata mea pro-  
pter te, ac decerno potius in-  
terire, quàm in posterum pec-  
carer.

Clementissime Domine, ini-  
quitatem meam, quia tibi soli  
peccaui; odio habeo, & abomi-  
nor: legem autem tuam dili-  
gere, nec vlllo modo transgre-  
di propono.

Execror, mitissime Deus,  
peccata mea, quia tibi displicent,  
& vindictam de illis pro  
te sumere statuo.

Vtinam, benignissime Do-  
mine, prius occubuissem, quàm  
peccas-

peccassem : potius moriar ,  
quàm te leuiter offendam.

Displicet mihi valde peccatum meum , dulcissime Deus : absit vt culpamvllam deinceps admittam.

O suauissime Deus, quis posset peccata præterita, proprio cruore delere ; pro vniuersis mundi bonis, ne venialem culpam committam.

Vtinam amantissime Deus, omnes inferni cruciatus potius tolerassem, quàm tibi displicissem : potius gloriæ fructione priuer, quàm te offendam.

*Actus Humilitatis. Cap: VI.*

**M**itissime Iesu Carite, profiteor coram te, cùm me vniuersorum hominum vilissimum.

Nemo est, benignissime Do

mine, tam tibi ingratus, & infidelis, ac ego.

Latrones ipsi, & sacrilegi, ô misericordissime Domine, perfectius tibi famularentur, si eos, ac me, tot, & tantis beneficijs affecisses.

Nihil noui, neque amo, clementissime Domine, nisi terram: & propterea non sum dignus aspicere cælum, nedum ingredi.

Animalia omnia, pro captu suo, Domine, tibi appropinquant: solus ego infinita vitæ meæ turpitudine à te recedo.

Deformior. certè sum, Domine, ob culpas meas, omnibus leprosis, & vlcerosis, qui sanie fluunt.

Profectò, piissime Deus, ego deberem in sterquilinio iacere, à cæterorum hominum conui-

Et tu se.

ctu lequestratus, ne illos peccatorum contagijs inquinarem.

Absit à me Domine, vt velim ambulare in magnis, vel mirabilibus super me.

Vtinam, æquissime Deus, vniuersi homines cognoscerent vilitatem meam, & despicerent me.

Vtinam multis ignominijis exprobrarent mihi homines indignitatem meam, Domine, vt spernerer propter te.

*Actus Mansuetudinis.*

*Cap: VII.*

**M**Ansuetissime Iesu Christe, certissimè statuo, quoties læsus fuero, me quasi agnū coram tondente futurum.

Dulcissime Domine, si pun-  
gar, & importunè tenter, dono  
suo, læsoribus arridebo.

Suauissime Deus, etiam si expolier, ac cædar ab inferiore, quouis amoris signa exhibebo.

Clementissime Domine, absit à me, vt ob vllam damnum, contra amabilissimos proximos meos excandescam.

Mitissime fili Dei, si quis me tentauerit, lætabor super exercitia illa, sicut qui inuenit spolia multa.

Benignissime Domine, si quando vexatus à proximo fuero, obliuiscar mei, & compatiar illi propter te.

*Actus Abſtinentiæ. Cap: VIII.*

**T**emperantissime Iesu Christe, decerno, esca, & potu eò tantum vti, vt natura ad seruiendum tibi consistat.

Nolo, mitissime Domine, vllam in mensa voluptatem percipere.

Ab-

Abſit à me Domine, vt iauis  
vel vilo modo palato ſuaui-  
quæram.

Vellem dulciſſime Deus, vt  
omnia, quæ ſumpturus ſum,  
abſynthiũ ſaperent, propter te.

Propono amantiſſime Do-  
mine, cor à menſa ſubtrahere,  
ac lectioni ſacræ adiuuere.

Propono, Domine, corpus  
fame, ac ſiti vexare propter te.

Vtinam, benigniſſime Ieſu  
Chriſte, felle quod guſtaſti, om-  
nia mea prandia condiantur.

*Actus Caſtitiſ. Cap: IX.*

**P**Vriſſime, ac amore toto di-  
gniſſime Deus, conſtituo  
ab omni oblectatione abſtine-  
re propter te.

Caſtiſſime fili Virginis, etſi  
abſque culpa, omnibus carnis  
voluptatibus, quas homines af-

fectant, frui possem; me ab eis vigilantissimè contererem.

Candidissime Deus, cordis mei, non modò carnis delectationes respuo; sed imagines quoq; formosorum corporum concipere nollem.

Amabilissime Iesu Christe, pango fœdus cum oculis meis, me rerum corporearū elegantiam non intuiturum.

Suavissime, decor animæ meæ, certò scias, me, à rebus corporeis, nec tactu, nec auditu, nec aspectu, nec alio modo (quoad mea fragilitas feret) ullam oblectationem percepturum.

Dulcissime Domine, non tantum oblectamenta carnis, non recipiam; sed quod ad me attinet, neque spiritus delectationes requiram.

*actus*



*Actus Patientia. CAP: X.*

**P**atientissime Iesu Christe, quicquid laboris mihi unquam acciderit, propter te patienter feram.

Clementissime Deus, si tentationibus exercear, pectus firmum opponam.

Benignissime Domine, si tatarus desæuiat, constanter ictus excipiam.

Dulcissime Deus, si mœror importunus ingruat, nulla ratione me deiici feram.

Amantissime Iesu Christe, si morbi subeant, omnia tædia, dolores, anxietates fortiter exhauriam.

Suauissime Deus, si totius corporis contritio, membrorū diuisio, ignis, & quæuis acrior tormenta inferantur, inuictè constabo.

Optatissime Deus, si hominum mores aduersi, & fastidia molestissima contingant, pacata mente consistam.

Iucundissime Iesu Christe, si me ariditate, diuturna q̃; repulsa exerceas, libenter poenam amplectar.

*Actus Gratitude. CAP: XI.*

**D**Vlcissime Deus, habeo tibi gratiam, pro immensis tum naturalibus, tum supernaturalibus bonis, quibus me semper cumulas.

Misericordissime Domine, quid tibi pro creatione, conseruatione, redemptione, iustificatione, præseruatione, auxiliis, inspirationibus, reddam?

Amantissime Domine, quid pro malis, quæ non committo, rependam, cum tot sint beneficia,

ficia, quot in mundo perpetrantur peccata?

Bénignissime Domine, quid pro bonis operibus, verbis, cogitationibus te donante, à me conceptis, & præstitis referam? Quippe, qui nisi te largiente nihil boni cogitarem?

Optatissime Deus, hac ipsa hora, ut cõmerui; flammis inferni comburerer, & beneficio tuo liberatus sum: quid ergo tibi retribuam?

Liberalissime Domine, contulisti in me ius hæreditatis æternæ (ut spero) quid agam?

Fidelissime Deus, providisti sacramenta, verbi tui pactum, consilia, solatia, & alia multa, quibus adiuvet, ut ad te citius, commodiusque perueniam: quid respondebo?

Reddo tibi Domine cor me-  
um:

um : offero viscera mea : sacrifico tibi in hostiam laudis præcordia mea.

Vtinam, amabilissime Deus, vniuersa, & Angelorum, & Sanctorum, & quotquot in vniuerso mundo tibi placent, filij præsertim tui Vnigeniti, ac matris eius corda possiderem, quæ tibi gratissimo affectu consecrarem.

Quo pacto possum, dulcissime Domine, Iesum Christum Redemptorem meum, ac Beatissimam Virginem, & omnes Angelorum Hierarchias, & Beatorum, reliquorumq; iustorum animas, quas rogo mihi ad gratitudinem sociari, tibi pro beneficijs reddo.

*Actus Magnanimitatis.*

*CAP: XII.*

Excel-

**E**Xcellentissime Deus, quem sine cordis erectione non possum attingere, cupio Apostolicas virtutes comparare.

Imprime, fortissime Deus, robur magnum cordi meo, desidero enim heroicos virtutum actus producere, propter te.

Despicio, altissime Domine, omnes mundi honores, & fastus calcō, ut supra mundum extollar ad te.

Vtinam, potentissime Deus, vniuersam mundi claritatem, & famam nunc haberem, non ut possiderem, sed ut contemnerem propter te.

Opto, Domine, Iob patientiam assequi.

Vtinam te more Pauli diligere.

Vtinam me, sicut Magdalenam, peccatorum meorum peniteret.

Certe

Certè, clementissime Deus, daturus sum operam, vt angelico more in terris viuam.

Conabor, Domine, occasionem pro te martyrium, subeundi perquirere.

Quoties quid arduum in cultu virtutum occurret, ego, dulcissime Deus, me offeram pugnaturum propter te.

Ab sit à me, Domine, vt animum despondeam à Christiana perfectione comparanda.

In mandatis tuis excellenter exercebor, & considerabo vias tuas: In iustificationibus tuis intètissimo corde meditabor: non obliuiscar sermones tuos.

*Actus Perseuerantia. Car: XIII*

**C**lementissime Deus, firmissimè statuo, me vsq; ad mortem tibi famulaturum.

Fid

Fidelissime Domine, si per annos mille, in hac vita molestissima laborandum esset, à proposito tibi vacandi, non desisterem.

Misericordissime Deus, absit à me vt ob vllam aduersitatem consilium mutem.

Potius, amantissime Domine, vri me sinam, quàm ab instituto desistam.

Et si oporteret, benignissime Deus, vniuersis mundi miserijs obrui, nunquam à tuo famulatu recederem.

Vtinam, desideratissime Domine, moriar, antequam à te recedam.

Mihi certè adhærerer, tibi, Domine, bonum est: propterea perenniter adhærebo.

Donec superest halitus in me, à te, ô summum bonum meum, non diuellar.



*Meditatio de agone mortis.*

CAP: XIV.

**M**ortis meditatio curia se-  
datoribus pernecessaria  
est, ad animum in officio con-  
tinendum, mundiꝛue vanita-  
tem aspernandā. Capitur quip-  
pe animus aspectabili rerum  
grandium splendore, ac pul-  
chritudine, voluptateq; sensim  
illabente delinitus ita seduci-  
tur, ac si diutissimē in ipsa mor-  
talitate victurus esset. Mortem  
longissimē absistentem suspi-  
catur, tamen si validam iuven-  
tutem quotidiano funere cer-  
nat efferri: quocirca mortis  
spiculum tanquā procul dis-  
situm malum minimē formi-  
dat, quod est miserrimæ cæci-  
tatis argumentum. Taurus pin-  
guis, ac vegetus licenter prata  
pererrat, prohibitaq; pabula

carpit;

carpit: qui si proximam securim prælagiret, lasciuiam, ferociamq; compesceret. Consideret ergo aulicus, qui in aula, velut in peramoëno loco versatur, se breui, velit, nolit, inseriturum, piaq; meditatione horrendum agonem sibi ipsi repræsentet, ne improuisus interitus imparatum, inermemq; corripiat. Cogitet se iam penè animam efflantem, desperata mortali vita, & temporali gloria, quam studiosissimè perquisiuit. Quid rogo, tunc sentiet de labore improbo, & sæcularibus curis, quibus se ipsum torsit, vt fugacissimam bonorum fluxorum umbram apprehenderet?

## §. 2.

**I**Ngrauescit morbus, morientique ob oculos versatur mœ-

stum

stum diuortium, quo ab ijs, quę  
vehementer. amauerat, inui-  
tus diuellitur. Cogitarat ille de  
horreo implendo, & opibus ad  
annos multos cōgerendis: vi-  
deturq; sibi vocem tremendam  
audire, Luc: 12. *Stulte, hac no-  
te animam tuam repetunt à te: que  
autem paraſti, cuius erunt?* Non  
omnes capiunt verbum, hoc,  
quia plurimi forma mundi ele-  
ganter picta capti, malunt diui-  
nis inspirationibus aures cor-  
dis obturare, quàm fallaci vo-  
luptate carere. Quapropter vi-  
tam ducunt sordidam, & mul-  
tis notis infamem calice Baby-  
lonis temulenti, ad ictum de-  
nique mortis euigilaturi. Non  
placet consilium hoc acerrimo  
dolore repensandum. Salubri-  
us consilium est, alta mortis  
præmeditatione dum tempus

suppe-

suppetit, propulfare illa, quæ imperioſe mors ablatura eſt; vt liber. animus in. ſupremo agone ad Deum feratur, & pro æterna ſalute, validè cum ſæuiſſimo humani generis hoſte concertet.

## §. 3.

**G**Rauiter afficitur appetente interitu corpus leuiſſimè incommoditatis impatiens, & voluptatibus aſſuetum: Cæterum grauius infeſtatur anima præteritorum ſclerum cōſcia, quæ ad Tribunal accerſitur. Occurrunt nolenti funeſtiſſima ſpectacula, hinc peccata commiſſa velut totidem dracones venenum ſpirantes, inde dæmones ad prædam auidiſſimè intenti tartarcum timorem incutientes aliunde imminens

Chri-

Christi iudicium velut ensis è filo pendens ad ictum. Quid rogo, tunc aget, quem conscientia vitæ turpiter actæ diue-xat? Quò se vertet, qui quamdiu potuit, noluit seriò ad Deum conuerti?

## §. 4.

**P**Rofectò anima, quæ tempestiuè resipiscere noluit, incredibili metu contrahitur, mortiferaque desperatione decumbit. Vrgetur ad exitum, & ipsa validissimè renititur. Neque mirum: Si enim anima Hilarionis, quæ septuaginta fere annis, Christo fidissimè paruerat, exitum formidabat, quid non timebit anima, quæ totidem annis, re vera, seu voto, Christi iugum excussit, & horrendam inferorum poenam

reterri-

tererrimis sceleribus exaggeravit?

§. 5.

**B**althasar rex Chaldæus, statim ac vidit illam, quasi manum, quæ mortis sententiã in superficie parietis aulae scribebat, licet nesciret, qd sibi vellet, timore maximo correptus est, quem in hæc verba scriptura descripsit, Dan : 8. *Tunc facies regis commutata est, & cogitationes eius conturbabant eum : & compages renum eius soluebantur, & genna eius ad se inuicem collidebãtur.* Si ergo sententia mortis in pariete scripta nec intellecta hominem, in medio lautissimo conuiuio prosperè valentem, adeò grauiter afflixit ; quid efficiet sententia exarata in ipsa conscientia hominis ægroti,

F

qui

qui certò nouit se mortem sempiternam commeruisse, neque de remedio cogitasse, iamq; luendæ poenæ tēpus imminere?

## § 6.

**N**emo adeò ferus est, qui non mitesceret, si tremendam horam illam, in qua profertur æternæ vitæ, mortisue sententia, semel experiretur. Columnæ ferreæ contremiscerent, & duriora saxis corda liquescerent. Quis enim non ageret seriam poenitentiam, si temp<sup>9</sup> vitæ prorogaretur, cum sciret, se diuina clementia tartareum carcerem euasisse, ea ipsa hora, qua æterno anathemate erat à Christo separandus, & pertrahendus ad flammam? Verùm constitutum est hominibus semel mori, neque con-

ceditur



ceditur nisi semel horrendam  
horā experiri: quapropter ac-  
curatæ meditationis remedio  
frequenter uti debet, qui sa-  
piens esse, & feliciter defungi  
desiderat.

## § 7.

**V**iri pijsissimi se in antra de-  
uia, vel in claustra mona-  
chorum abdunt, ut mortis ho-  
ram præmeditentur, & multi-  
plici virtutum armatura se mu-  
niunt, mortisq; agonem quo-  
tidie sibi representant, velut  
strenui milites, qui ad bellum  
præuijs belli simulachris, se  
ipso exercent: & tamen mun-  
di adoratores, qui horam illā  
magis formidare deberent, nō  
modò se non præmuniunt, sed  
ne mortis nomen sibi suggeri  
æquo animo ferunt. Quinetiā


eò stultitia prolabitur, vt de summo ipso mortis discrimine moneri nolint, instante iam interitu, &, vt prudenter conijcitur, ipso etiam inferorum incendio. Ergone credendū est, viros Christianos eò vsq; insanire? Quomodo de serua ad Deum conuersione ager, qui fert indignè se de hora suprema, qua Deus placādu esset, admoneri? Absit à pijs lectoribus amentia hæc, qua nihil possit calamitosius excogitari. Tempus anteuertant, & appositis, crebrisq; meditationib<sup>9</sup> se ad prælium comparent, vt exantlato mortis labore, victoriā de hoste reportent, summoq; ac semperno bono perfruantur.


**F I N I S.**



C R A C O V I Æ,  
In Officina Andreæ Petricouij,  
S. R. M. Typographi. Anno  
Dñi, 1614.







Biblioteka Jagiellońska



stdr0023459



